

國聞週報

第一卷

第十四期

國聞週報社發行



中華郵務局掛號認爲
立券新開紙類



戰禍魁首之曹錕



反吳主之和馮玉祥

目要

北京政變紀

美國之大總統選舉

天涯飛絮(小說)



效忠曹家之吳佩孚

中華民國十三年十一月二日出版

Vol. I, No. 14,

NOVEMBER 2, 1924

馬二先生

記者

公展

名人錄



劉成勳

劉成勳字禹九。四川大邑人。本省武備學生。畢業後總督錫良調赴雲南。歷充學兵營教官。陸軍管帶。繼後調充黑龍江巡防營管帶。入民國。初充四川第四師正參謀長。川邊鄉城亂作。充支隊長。率賴心輝等征之。亂平。補授陸軍少將。復以戡定川邊亂事。晉中將銜。旋四川。任旅長。擢第四師師長。在師長任。曾獨資設培英中學於新津。再遷第三軍軍長。兼成都衛戍司令。西南軍政府。特任爲籌邊督辦。民國十一年。經各軍將領。推爲川軍總司令。省議會選舉省長。復被選爲四川第一任民選省長。仍兼川軍總司令。於是開軍事會議。以取銷防區制。施行裁兵政策。設省憲籌備處。延致名流。修訂省憲。經營方始。而楊森鄧錫侯等。勾結北兵寇川。苦戰年餘。以財絀援絕。不得已退出成都。以第三軍一致擁戴。遂率所部駐紮川南。先是川邊鎮守使陳遐齡。無端內侵。坐令川邊卅餘縣淪陷。國防盡撤。衛藏岌岌。成勳夙以征鄉定邊。旣爛形勢。復爲番人畏服。現正籌備恢復陳使所失諸地。以固邊圉云。

編 輯 者 言

△倫敦會議之前因後果一文在本期已告結束、原著精勵警、
闢使讀者于歐洲政局內幕一覽無餘、本報此外仍當將

Frank. H. Simonds 著作關於歐洲方面國際間關係之
文字譯供讀者參考、當亦愛讀本報者之所樂聞歟、

△美國總統選舉、正在進行中、本報現已搜集關於此事之圖
畫文字隨時刊布、特以預告、

△下期小說有何心冷君之「羨慕」描寫青年欽羨家庭樂
趣、及己身嘗試始知真相足以發人深省、先此介紹、希閱者
注意、

△本報迭得各界賜函獎飾有加、同人當益自奮勉、以報雅意、
如承惠賜佳作、尤當竭誠歡迎、

目 錄

社評(二則)

北京政變後之時局……………政之
有槍階級之成績……………一得

北京政變紀……………公展

美國之大總統選舉……………記者

倫敦會議之前因後果……………美國 Frank. H. Simonds 著
蔡受百譯

西南健將之熊克武……………鐵僧

美國之新聞事業……………汪英賓


國內外一週間大事紀……………公展

時裝小誌(六)……………新儂

天涯飛絮(小說)……………馬二先生譯

燕禧秘紀……………清廷宮女口述
馬二先生潤色

前期勘誤表



社評

北京政變後之時局

政之

自十月二十三自馮玉祥由古北口率師回京。主張和平。吳佩孚後路摧毀。倉皇返津。雖仍集中殘部。四處調援。作困獸之鬥。然大勢既去。豈血氣之勇所可挽回。今後北方戰事。或可告終。惟收拾全局。則非常不易。蓋曹吳個人。即令失敗。而百足之蟲。死而不僵。直系軍隊。應如何妥為安排。一也。今茲倒曹。完全軍人主持。最後一幕。又賴馮胡努力。馮胡及其部下。是否真無權利之心。藉曰有之。將何以裁抑善導。二也。中央財政。久陷絕地。善後萬端。非財莫辦。求之內債。則民力不勝。求之外債。則國權必失。虛不能不辦之地。有萬不能辦之勢。三也。統一之局。中外屬望。然西南久失重心。各省類多內鬪。或顧此而失彼。或甲喜而乙怨。值此人心欲橫流之會。在在可以貽人口實。隨時可以發生反動。四也。以上四端。僅舉大要。此外複雜問題。幾於書不勝書。將欲小作結束。徐圖清理。亦須合全國之人才。相與扶持。藉國民之輿論。為之掩護。否則焦頭爛額。無補時艱。可斷言也。夫民主國家。以厭聞政治之國民。而欲享政治清明之幸福。此事理之所不許者。今後平治之域。斷非一蹴可幾。在國民無力實行全民政治以前。對於政治。萬不宜希望過大。須知政府當局。並非天人。指導匡扶。仍賴羣衆。況今日舉國人才。或道德優於才幹。或實際遠遜虛聲。將欲令一人一派。綜攬全局。固屬萬不可能。而羣策羣力之効力。尤著於互助互讓之精神。在這種上。須已所不欲。勿施於人。在政治上。須已所不能。勿責於人。未如是。乃可免於從前互相破壞。無一或之憂。政治或有漸就軌道之希望。苟非然者。任何方案。皆係費辭。政治進步。終成幻想。又可斷言也。關於時局問題。吾友張一葦君於十月三十日。在上海中華新報著一論評。顏曰「吾人之時局主張」。與吾人所言大致吻合。轉錄於次。以諗讀者。

因張宗昌奉軍之古澤州。及榆關直軍之總潰敗。東北戰局。已使吳佩孚無再起之餘地。北方大勢。至昨日而略定矣。雖然。謂大局即由此解決。國事必有入軌之望。則不然。何者。吳佩孚如何處分。一也。長江一帶之大混亂。如何防止。二也。直系殘軍若干萬。作何處置。三也。尤要者。反直諸軍。及准直系而加入反直之諸軍。人恐將爭地盤。搶軍隊。分軍實。各逞其功。而各縱其欲。四也。再進一步。則南北如何開統一之協商。政制如何得改造之端緒。其事甚大。其機至危。五也。是以無窮難關。反在戰局略定之後。

以反曹反吳者之洩憤。復言之。大抵已告滿足。而以國事言。則迄今為止。積極的效。果。均等於零也。直系對國事之罪惡。在狃於皖直。率直兩役之利。欲以一系軍人。把持全國政權軍權。而終之以賄選總統。污蔑法律。其覆敗國勢所必至。雖然。彼反對者。果能反其道而行之乎。吳佩孚在前此兩役之後。大增軍隊。廣儲軍實。竭國家地方之財力。以養兵。今變起倉猝。一朝瓦解。在吳固有必敗之道。而國家數年來所受之損害。則已莫可挽回。爾今茲諸人。或專制數省。竭財練兵。迷信軍權。等於吳氏。或則向與曹吳共事。而今佛觀戈者也。假

令無革新之誠意。徒爲權勢之競爭。則今後之事。可預卜以知。蓋依然將爭地盤。增兵隊。或養成第二之曹吳。或爲無數之具體而微者。然後再剝削國庫。再武裝競爭。再爆烈。再作戰。然後再倒戈內鬩。再與衰易勢。爲此輩軍人計。固極可危。而劫後之邦國。能再禁幾度之擺佈耶。且也南北問題。爲八年來之懸案。其敗壞至此。北洋派固首受其責。然謂西南一般軍人之心理慾望。大有異於北閥。則亦難盡信。蓋護法而不守法。自治而不真治。且內訌之盛。無省無之。縱無北閥之操縱。亦不能自息其爭。如川之熊劉。湘之趙譚。滇之唐繼堯與在外滇軍。粵之孫陳兩派。粵軍其深仇大恨。皆無可調停。夫今後南北之間。一問題也。而西南自己。又一問題也。依前者言。曹吳倒後。如何可得一衡平之解決。依後者言。縱北方戰停。而南方內部如何可得一適當之收束。此皆至難之事也。

然則將如之何。曰。非各方大澈大悟。悔罪自新。不可具體的言之。第一須各方自認對於過去民國之禍亂。負有責任。自今一切爲根本之改造。第二迅速使曹錕退位。先立北方之軍事善後臨時機關。今各軍既公推段合肥。則望其尅日視事。公平處理。最要之點。在使各

有槍階級之成績

民八以還。國內政局完全操於有槍階級之手。而各省武人據地自固。培養勢力。不惜竭人民之膏血。以營繕殺人之工具。結果遂釀成今日混亂之局面。然吾人試一細察之。則此輩已往之成績。與其將來之結果。已不難推斷而知。未容一例抹煞也。

武人所憑藉之勢力。曰兵隊。曰金錢。而道德與正義不與也。但有成敗。不

軍誓約。所有兵額。以現有者爲止。不得私自擴張。一面開全國軍事會議。乘此亂後。改革軍制。軍額。廢巡閱使督軍。使全國軍人由此入革新之途。而罷軍權之政。第三。政治方面。爲過渡收束計。自必須用委員制。望段君領袖北方。與西南商組織方法。尅日成立。第四。關於國會憲法問題。應由一種國民會議解決之。然最要者。在萬勿貪圖便利。又謀使穢德彰聞之北京議員選舉段氏。果爾則無詞自解其倒曹。且將來必不能得全國一致之承認。段君苟不欲爲曹錕第二者。應切識之。第五。關於長江一帶之直系地盤。主張用政治的方法解決。而反對用兵。其法維何。即宣布廢巡閱督軍。使現在之巡督。脫離政權。而同時不以任何反直者代之也。第六。關於吳佩孚事。主張有妥法處分之。蓋國民可以言滅吳。而北京之國民軍不能。因戰事近因起於賄選。然而驅黎賄選。即成於王承斌馮玉祥諸人。以彼等滅吳。吳不甘也。吳之黨或直系諸人不甘也。不甘則仍釀亂矣。若於曹去之後。而使中原猶繼續受曹之禍。此大不可者。昨傳張紹曾奉段意調停。吾勿甯望其實現。何則。果許一切軍人自新。則不應必以滅吳佩孚爲快也。

一得

問是非。故去年賄選告成。各省武人雖明知民心不屬。友邦竊笑。而通電稱賀者尙不乏人。迄今馮軍入京。直系大勢已去。徒以洛吳尙思頑抗。其黨羽鑒於歷屆反覆之往例。猶努力於文電之響應。詆馮氏爲犯上叛亂之徒。夫曹吳民八之役。何嘗非稱兵犯上。以此罪馮。則曹吳宜與同科。何乃猶觀顏擁戴耶。因知武人腦筋簡單。於兵敗勢蹙之餘。始欲假尊卑名

華之論。以詆其敵黨。是非觀念。久已忘懷。治亂消息。孰曾留意。所謂有槍階級之成績。如斯而已。

然則運籌武人中。遂無一真能覺悟。足為担当時局之人物者乎。曰。是不然也。論世觀人。當於其微處見之。

即如今番奉直再戰。蘊釀經年。中間信使往還。乞和修好。而張氏迄不為動。惟日努力於軍旅之戒備。內部之綏輯。論者謂張氏經一度之敗挫。遂有今日之憂勤。嘗膽臥薪。惟知雪恥。衡其志趣。已異恆流。此次舉兵討曹。響應滬浙。閱其支日通電。和平正大。頗足動人。即以文告論。固已遠勝曹吳一等。然論者謂張氏本一武夫。兼之專欲。曩者把持政權。既已莫壓羣望。脫再入關奏凱。甯能有異故吾。以此致疑者。十常八九。然觀張氏有日（九月二十五日）通電宣言。一則曰。私人權利。屏絕於心。曾誓明神。不忘息壤。再則曰。嗣後政治進行。悉聽海內名賢。共同商榷。國家大計。負責有人。即當率隊出關。遄歸防地。中央政局。概不與聞。云云。掬誠表示。心跡瞭然。古人云。十別三日。刮目相看。張氏而能為此語。吾輩與人為善。固應不咎既往。深致同情。且幸其個人政治生命之前途。實有無限之希望也。夫溯張氏十一年前之事實。甯有異於今日之曹吳。三邊區域。半為張氏之爪牙。中央政權。悉為張氏所援引。視國庫為禁樹。等元首於守府。當其志滿意得之時。正國人重足屏息之日。怨毒既深。胡能不敗。往者已矣。來日方長。就張氏最近舉動觀之。以已有澈底覺悟。此次宣言。謂為自懺之特徵也。可即謂為見諒國人之初步。亦無不可。又就大勢言。張氏一方既有雄厚之實力。一方又得輿論之後援。最後成功。已可預卜。張氏苟能實踐宣言。不干中央國政。則國民對伊之同情。必更勝於今日。而齟齬之種種致疑。乃淺之乎視張氏者也。抑更有進者。改革以來。治亂相趨。甲仆乙興。已

成慣例。質言之。專欲難成而已。方其戰勝異己。為所欲為。祇知以擴張地盤為私人自衛之計。而不知地盤愈廣。裂縫愈多。龍解土崩。曾不旋踵。張氏奄有遼瀋。近在梓桑。果能脩明治具。開發富源。全國中心。舍伊誰屬。較之擴張地盤。把持政柄。所得不已多乎。東省不乏賢豪。張氏飽經世變。相與有成。甯俟異日。將來有槍階級成績之如何。或將卜於張氏之是否能踐其言也。

●影片零話

心冷

年來西洋影片之趨勢。大致分為兩途。一則搜集各國歷史。旁及民間故事。編演攝製。極堂皇瑰麗之觀。一則描摹近代大都會奢靡風俗。紙醉金迷。盪魄銷魂。然此二者。均非我國影片公司之所能做效。前者則缺乏雄厚之資本。少歷史的研究。即使排演一二古代軼事。恐衣飾建築風俗。均將擬於不倫。後者則因演員之無修養。描摹放浪。每易涉于淫蕩。惟日本近代影片。大都以極經濟的刀法。表演戲劇。主角不求其多。布景不求其廣。而結構精警。感人殊深。曩與夢芸觀日本影劇于東和。收演「鐵窗見月」一劇。主角僅四人。而地點車站。鄉村監獄。三處以攝影者之善于取景。導演編劇者之善于運用。故遂尋異常優美。故愚以為中國影片界。不宜徒倣歐化。于日本影片多加加摹。未始不有助于吾人萌芽茁之影劇事業也。

●最簡單之長生術

人人莫不樂生。然長生不老之方。則世人終莫能得之。今乃有阿麗絲女博士實行其最簡單之長生術。自謂可壽至二百五十歲。此豈非人人所急欲知之事乎。

阿麗絲女士。今年自歐洲到美國波士頓。宣傳其長生之法則。一時引起美人之大注意。女士自言。彼於一八六四年。生於露意細愛娜。但人皆不能信之。蓋一八六四年。至全年一九二四年。已六十年。女士當然六十歲。但女士嬌嫩之皮膚。美麗之姿容。衣飾如巴黎之婦女。棕色之髮。剪短如女郎。無論從何方面觀察。皆萬不能過三十歲。然女士之生日證明書。則確為一八六四年。彼且謂人生七十歲。只如孩童。以彼之自信。彼尚可活一百九十歲。蓋彼確信能實行彼之法則。必可活二百五十歲也。

然則彼之法則何如乎。服不死之樂乎。習衛生之道乎。此尤非人人所急欲問之事乎。然而女士長生術而簡單。乃出人意外。女士之法則。僅有一句人人能唱之小歌。即（我不至死。我不至死。）是也。

女士謂吾人日夜念此句。唱此歌。其結果則吾人可以確信此種觀念。當日秦始皇。所求而不遂者。吾人乃可安然得之。蓋如此。則吾人獲青春之神祕。而長命至二百五十歲也。

女士曰。（我之長生法。與駐顏術。乃出於內心。蓋吾人之生命。為心所治理。我人有將死之自覺。故遂死矣。我之法術。乃使世人完全拋却死之一念。以為我決不至於死。斯可以壽至一二百歲也。）

女士之法則。乃完全心理作用。女士蓋阿麗絲國際心理學會之會長也。西諺有言曰。（永勿言死且起而試女士之言。殆充分證明此種諸義者歟。）女士最近小影。曾刊於日前之天津華北明星報。明麗如二十許人。吾人於此情形中。亦決不信其為六十歲之老婦也。願學長生者。其試唱此不死之小歌。或將有奇效歟。

北京政變記

公展

十月二十三日。馮玉祥軍隊突自古北口撤回北京。通電主張停戰。此不可謂非轟動一時之政變也。馮軍此舉。不僅足以顯示直系內部之破裂。且形勢擴展。將使全國大局為之轉變。不可不有以紀之。

(一)馮軍入京前之準備

當東南軍事發生之際。直系各將均發有討盧通電。獨馮玉祥王懷慶不甚為然。嗣雖被迫簽名發電。而心未釋然。至東北軍與曹吳再三催促。馮



北京 政變 後全 國屬 望之 段祺 瑞

王始先後出發。實則主張和平之心。始終未改。故出京後。即由馮聯合王懷慶。胡景翼。王承斌諸人。作一致主張。十月中旬。外間盛傳馮等已擬就停戰通電。待時即發。可知馮軍回京之機。固早已醞釀於戰事發動之際矣。

二十二日晚。當馮軍入京之前。馮曾在北苑召集會議。胡景翼。王懷慶。王承斌均列席。會議結果。一致主張和平。遂印發主張和平之漾電。並由馮

國聞週報

令飭各軍分別駐紮京畿各重要地點。亦即時派遣出發。惟此項主張和平之通電。署名者祇馮玉祥胡景翼及其所屬之各重要軍官。而二王則尚未列入。電中有對東北戰事。主張和平。即日停戰。並在京組設中華民國國民軍司令部。與窮兵黷武者相周旋等語。是蓋欲予主戰之吳佩孚以大打擊也。

北苑會議後。馮氏即派員與京畿警備副司令。第十五混成旅旅長孫岳



與馮玉 祥合作 之陝西 第一師 師長胡 景翼

接洽。孫岳願協同維持北京治安。議定後。乃由馮胡孫米(振標)及所屬全體師旅長通電主張。而馮軍遂即入京矣。

(二)馮軍入京後之措施

二十三日晨一時。馮軍開抵北京者。係第二十二混成旅之全部。第八混成旅之大部分。暨十一師之第一第二兩補充隊若干。馮委第二十二混成旅長鹿鍾麟為馮軍警備總司令。鹿氏當令所部駐紮城內各重要地

五

點。佔據路局電報局電話局等交通機關。並派兵包圍公府。出示安民。一時京津間之交通。全部阻隔。翌日。電報電話始復原狀。然京奉車依然不通。繼馮軍而開回北京者。有胡景翼軍及熱河軍隊之一部。除留鹿鍾麟旅維持始安外。餘均於數日內開赴京奉京漢兩路沿線。準備對吳作戰。

(三) 停戰免吳令與政局

當馮氏率部回京之初。事前曾與張作霖段祺瑞等均預有接洽。未始不欲倒曹倒吳。改造政局。乃一抵北苑。即被京中官僚政客包圍。對曹忽意存姑息。二十三日午以後。倒曹一層。竟置勿論。先惟要求曹錕下令停戰免吳之是務。迨二十四日經顏閣議決。而

所謂(一)停戰(二)免吳佩孚巡閱及師長

職(三)責成王承斌彭壽莘收束榆關軍隊

(四)吳佩孚任青海墾務督辦等四令。當晚

即下。於是倒曹問題忽一變而為單純之對

吳意者其預定之步驟本有所先後乎。

馮玉祥等既於廿三日通電主和。廿四日又

通電陳述建國大綱五端。(一)建設清廉政府。(二)用人以賢能為準。(三)對內實行親民政治。(四)對外講信修睦。(五)信賞必罰。財政公開。

響應馮電主張停戰者。先後有段祺瑞。王懷慶。閻錫山。馬福祥。張錫元等。

馮更致電西南領袖孫中山。唐繼堯。陳炯明。劉顯世。熊克武。但懋辛。趙恆

惕等。請贊助和平運動。惟吳佩孚二十四日曾電馮氏。質詢停戰通電。是

否捏造。馮覆為國為民。萬難再戰。請贊同停戰主張。自後吳氏遂無覆電。

蓋已決定率其餘部對馮作戰矣。

停戰免吳之令既下。馮玉祥輩對善後辦法。旁皇歧路。一無主宰。營營逐



請君入甕

白茲錄原電號下。

(銜略)民國創造。十有三年。兵戎迭興。迄無甯日。軍閥強藩。棋居鼎峙。分

據國疆。擅作威福。意見參差。干戈即起。逞其武力。斬快己私。以多數之國

民。殉一人之私意。美其名曰討逆。文其過曰義師。實皆睚眦之爭。全與國

家無涉。旱潦頻仍。而忿兵疊起。度支困竭。而黷武不休。以致九有瘡痍。四

方困瘁。哀鴻遍野。羣盜滿山。工商窒阻。農畝荒蕪。萬衆倒懸。羣倫塗炭。不

特共和之真諦。未獲實現。反致國際之地位。日益墮落。祥等觀此。顛危憂

惶如擣。恐稍瞻徇。必致倫胥。內受良心之驅迫。毅然為和平之士。張使國

人知武力之不足恃。開根本改造之新機。其主義純在救國。其辦法純取

逐。惟着眼於內閣之改組。二十四日晚。顏閣議決總辭職。同時保派要人。用溫輒手腕。迎合馮意。故曹錕雖亦有一度辭職之擬議。迄未見諸事實。至改組內閣。初則要求顏惠慶担任。顏氏堅辭不允。乃改推王正廷。廿六日晚。組閣令雖已蓋印。但二十七日王氏又以空氣不佳。不願擔任。故曹令亦終未下。二十八日馮氏轉又勸顏維持。顏仍未允。乃推黃郛轉代。然議亦無成。而時局轉變。又以吳佩孚抵津之故。趨重備戰。故內閣問題。又轉置不說。公府雖被監守。而曹錕下野。京中更無人提及。一若目前祇能暫維現狀。而能決政局辦法。須待戰後公共會議之取決。驟視之。似為慎重。而質言之。則馮玉祥受政客包圍。優柔寡斷。故有此不倫不類之『古迷達』耳。

因馮等在京舉措之不澈底。各方輿論頗加非議。且有目為倒吳擁曹。意在自承為曹氏之長子。一若古代之爭儲事件者。馮等似亦覺察。乃於二十八日通電南北名流。有所表

公開。為全國統一之先導。定邦國永久之大計。期以此次改革完成。歷來改革未竟之事業。解決歷來糾紛之根本。永絕將來隱伏之禍胎。確立健全民治之基礎。決非局部之爭。恩怨之報。更無鈞名沽譽之心。尤無倒甲擁乙之意。願國事之安全。不屑顧個人之利益。知人民之困苦。不敢避一

己之艱辛。返京以來。疊次通電。區區微忱。諒荷洞察。現在京師安堵。商民樂業。友邦諒解。羣情翕輯。如有反抗和平。武力是逐。願為國民公敵者。則祥等唯力是視。誓與國人共棄之。政府暫維現狀。企免國務糾紛。此特為過渡之初步。並非最後之辦法。當茲軍興國亂之際。自不免有多少委曲求全之處。此則不能不乞國人諒解者也。祥等以為此後一切政治善後問題。國家建設計畫。非一二人所能集中。亦非一二黨派所能把持。必須一國賢豪同集京師。速開和平統一會議。將一切未決問題。悉數提出共同討論。以多數人之主張為指歸。以最公平之辦法為究竟。期得最良結果。實力奉行。以絕內爭。以安邦本。為今之計。莫急於此。惟此和平會議。究應如何組織為妥善。如何產生為適宜。海內賢豪南北碩彥。匡時共切。宏畫應多。務祈不吝謠言。迅予指導。依張偉論。見錫嘉猷。祥等雖戎行椎魯。素知從善。德音早貴。虛已景從。時機迫切。披瀝肝胆。引領教言。伏維鑒察。馮玉祥胡景翼孫岳同叩。儉。

(四) 吳馮雙方備戰形勢

國開週報



馮玉祥之回戈入京也。固標榜和平二字。其無意作戰。無待贅言。但吳佩孚好戰性成。何甘屈服。二十五日既自秦皇島發電討馮。又自灤州發電否認停戰之曹令。自稱奉曹密諭。率軍戡亂。並電鄂蕭蘇齊浙孫促派援兵。會師討馮。山海關前線吳軍陸續撤回。由吳於二十六日率抵天津者計一萬餘人。大隊駐軍糧城。小部開駐楊村。掘壕備戰。同時命曹士傑部第十六混成旅。由保定進駐高碑店。兩路會攻豐台。吳之計畫擬自任東路指揮。至馮玉祥方面。則決分國民軍為三軍。馮自任總司令。兼第一軍司令。胡景翼任第二軍司令。孫岳任第三軍司令。而公推段琪瑞為大元帥。第一軍分四路。(一)張之江。(二)李鳴鐘。(三)鹿鍾麟。(四)劉郁芬。共八混成旅。第二軍胡景翼部五混成旅。分五路司令。第三軍孫岳一旅。加入閻錫山一師。約計共十萬人。馮氏決派馮軍三旅胡軍一師一旅。在京奉路線廊坊佈防。備擊楊村方面之吳軍。派馮軍一旅及孫岳一旅。向保定進發。以禦鄂豫北上之援軍。王家店軍械庫被馮軍佔領。豐台第三師之學兵團亦被繳械。自通州以至豐台一帶。國民軍均駐重兵防守。二十八日盛傳廊坊二軍前哨有小衝突。然並未正式開火。蓋在馮之一方。本意原不主戰。而在吳之一方。又以南方援軍未集。兵力未充。不敢操切致敗。此二十七日張紹曾氏之所以乘機運動和平也。然形勢緊張如此。欲以口舌弭兵。識者又深覺懷疑耳。

中國軍人之新戰術

台一帶。國民軍均駐重兵防守。二十八日盛傳廊坊二軍前哨有小衝突。然並未正式開火。蓋在馮之一方。本意原不主戰。而在吳之一方。又以南方援軍未集。兵力未充。不敢操切致敗。此二十七日張紹曾氏之所以乘機運動和平也。然形勢緊張如此。欲以口舌弭兵。識者又深覺懷疑耳。

(五)各方左右袒之響應

馮軍回京。初與奉方預有成約。原定馮軍擔任肅清關內。奉軍停攻。故北京政變既作。張作霖即有戰事可了之言。嗣因吳佩孚在津備戰。張氏勢難坐視。二十七日決再下前線。總攻擊令。石門奉軍準備進攻。直軍紛退大旺莊西北附近。第二軍由張宗昌統率。取道冷口。進逼灤州。二十八日下午佔灤州昌黎。此實為吳軍後方之一大打擊。西路方面。閻錫山既派一師駐石家莊。以冀截斷京漢路。劉鎮華因晉閻已出兵。亦派兩混駐潼關。為馮後援。吳新田率第七師亦到。與劉一致行動。津浦路方面。魯省之鄭士琦已派兩混旅守路。以扼吳軍之背。

此為響應馮方之軍事動作。吳殆處於包圍之中。計無所出。遂用其造謠離間之計。一方誣奉方亦有內變。觀奉軍之進攻。已足證明其不確。一方在津大下命令。自稱代行總統職權。免馮玉祥職。任李景林東三省巡閱。胡景翼熱察綏巡閱。劉鎮華陝甘新巡閱。王懷慶檢閱使兼西北邊防督辦。殊不知曹吳之在今日。人心已失。反吳各將。方在攜手共事之秋。又豈受其離間哉。

至於長江流域直系各軍人之態度。頗為一般人所注意。大約自二十四至二十七數日間。為觀望形勢之時期。而一面則與馮玉祥通電。預留地步。如齊燮元即有電致馮。對於停職表示相當的贊成者。假如吳佩孚由海道出亡。此輩必相率擁馮。以保祿位。今吳既到津。自稱代行總統職權。聲勢赫奕。嚇得此輩欲取巧而不得。於是大批討馮之電報。遂如羣蛙應響。震耳欲聾。滬上所接到者。有齊燮元蔡成勳馬聯甲周蔭人孫傳芳及



海軍杜錫珪等之通電。有肅耀南及湖北各將領（龍華之張允明亦在其內）之通電。各電主旨。不外服從曹吳。聲討馮軍之八字。其在實際方面。二十四日鄂蕭方在宣示中立。待吳電一到。態度頓變。即派寇英傑張聯陞二旅及陳嘉謨二十五師一部北上助戰。蘇齊有派陳調元吳恆璣二旅北上之說。浙孫則決派孟昭月第十混成旅之一部二千人北上。但松滬聯軍收編尚未全竣。而盧永祥何豐林又先後離日赴奉。臧致平亦首途來滬。東南方面。或因京變之中。風雲重作。未可知也。

(六)外國對華態度一斑

馮軍既入京。王正廷黃郛即向外團活動。聲明保護外僑。治安無慮。二十四日。外團會議。決向外團提出三項要求。（一）京津間鐵路交通之恢復。（二）東交民巷西口外之馮軍減少至十五名以內。（三）通信機關恢復原狀。對於國民軍停戰之主張。則表示好感。二十七日。晚。外團又決議照會外部。轉達馮吳要求維持京奉間交通。對外僑生命財產負責保護。但京津交通

依然阻滯。天津領事團更向吳警告。不得在津市附近二十里內駐兵作戰。益派外兵協同維持津埠治安。保護京奉沿線車站。各國又紛紛派艦赴津。日政府為護僑起見。二十三日。閣議決由旅順及秦皇島各派驅逐艦二艘赴天津。並由旅順派兵二百名赴山海關。二十四日。業已出發。翌日。即到二十八日。日本閣議決定。再由大連步派兵二中隊。馳往天津附近防守。據聞日本或將加派軍隊赴華。旅順日兵因開往天津山海關。已為一空。如須加派軍隊。則擬由朝鮮日本調兵。一說。大隅少將所率第三戰隊及旗艦五十鈴夕張多摩。早受準備出發之命。已將兵員糧食彈藥等軍需品摒擋就緒。大概吳馮兩軍一旦開火。日本或須再派軍隊來華。

美國之大總統選舉

記者

美國下屆總統選舉行將開始競選。中美兩國關係極深。美國元首之人。物與其所標揭之政綱。吾人均有了解之必要。今分段編敘如次。以供國人參攷。

一、候補總統之人物

▲柯立芝 現任美總統柯立芝氏

Calvin Coolidge 爲本屆選舉。最有力之候補者。氏生於一八七二年七月四日。現年五十二歲。爲美國歷任總統之最年輕者。其先來自英國。家世業農。氏生而勤勉沈靜。一八九五年畢業於安赫斯特大學 (Amherst College) 入哈納菲爾 (Hammond and Field) 事務所研究法律。後二年得許爲律師。執業於北安布敦 (Northampton) 目是熱心於政治運動。開業後兩年。被選入該市董事部。二十五年以來。任職至二十年中。間又曾被選爲瑪薩秋瑟 (Massachusetts) 州會及市會之法制起草員。又曾任瑪州上院議長。由該州選爲合衆國參議院議員。且曾任北安布敦市長。瑪州副省長。省長。一九二〇年當選副總統。一九二三年以哈定總統。歿。依法接任。方氏之任瑪州副省長也。正值美國參加歐戰。氏辦事甚多。戰後二年又任該州省長。卓著成績。表現其事務家之能力。

美總統柯立芝



在總統選舉運動演說之時微笑

尤以一九一九年九月波斯頓巡警罷工一案。處置迅速。爲輿望所歸。緣當時警界擬組織一種協會。參加工團。政府禁止之。遂致罷崗。地方爲之騷然不甯。柯立芝以警察應受省長節制。厲行干涉。不稍敷衍。卒將騷動平定。衆論翕然。是以一九一二年

彼所得省長選舉票爲一萬七千之多。數。主次年乃驟漲爲十二萬五千票。一九二〇年共和黨大會瑪州代表舉柯立芝爲候補總統。旋由大會推爲副總統候補者。是年十一月即行當選。向來美國副總統不執行行政務。哈定總統因器其才。特請其列席內閣會議。因得躬與行政事務。益得發揮其事務家之特長焉。本年大總統選舉。氏由共和黨大會。推爲候補總統。於八月十四日表示承諾。

▲台維斯 民主黨推出之本屆候選總統台維斯 John W. Davis 現年五十一歲。幼有神童之譽。二十歲卒業於某大學法科。一八九五年得律師憑照。其父爲下議院議員。又爲律師。氏即助理法律事務。自二十六歲左右。已抱政治興味。一八九二年當選爲州會議員。一九〇四年舉爲民主黨大會代表者。隨即選出爲下院議員。受威爾遜之知遇。得司法部官律師。屢任大理院逞其雄辯。以法律名家。有聲社會。一九一九年美

國下屆總統選舉行將開始競選。中美兩國關係極深。美國元首之人。物與其所標揭之政綱。吾人均有了解之必要。今分段編敘如次。以供國人參攷。

國駐英大使柏琦氏歿後。繼任頗難其選。威爾遜與國務卿蘭辛相商。迄不能定。當時有國務院秘書某氏建言云「台維斯如何」兩氏咸以爲然。台維斯乃奉使英倫。三年之間。平平無事。雖隨威爾遜而下野。其名


則已見知於政治界。本屆總統選舉。民主黨之瑪卡度與斯密斯兩人競爭預選。各不能得三分二之多數。乃使台維斯收漁人之利。

▲賴富雷特 進步黨推出之本屆候選總統賴富雷特 T. R. Follie 係威斯康辛州 Wisconsin 人。現年六十九歲。一八七九年

畢業於該州大學。執業爲律師。自一八八五年至一八九一年三任威斯康辛州第三區下議院議員。又三次被選爲該州省長。一九〇一年任職五載。迄一九〇五年一月二十

五日被選爲參議員。乃辭省長職。就參議員。直至一九二九年。被選連滿三任。在威斯康辛省長任內。實行改革鐵路稅制。自一九〇八年以來。迭爲共和黨指定候選總統。在參議院係任財政商業股委員及製造家委員會委員長。

以上爲候選之總統之略歷。至於三人在選舉競爭上之地位。有可得而言者。向來美國大總統之候補者。以平常無疵之人爲最適宜。如柯立芝如台維斯皆其選也。柯立芝爲人尙實行不善宣傳。無赫赫之功。而處理事務。條理明晰。是其所長。勇斷雄偉又其所



短。因有禁壓波士頓巡警罷工之一案。遂資本家及一般保守主義者所歡迎。以有今日之地位。然大政治家之資格固未嘗具備。即在共和黨內。不無籠罩一切之名望。觀於前議會該黨在兩院均占多數而參加歐戰之軍人恩給案稅制整理案等重要議案。仍歸失敗。可見柯氏在黨內。不能指揮。惟彼於此屆選舉。亦有勝人之處。第一爲現任之地位。往者馬金利歿後。羅斯福以副總統攝位。次屆。易於當選。而威爾遜亦迭膺大選。足知大總統之當選。已成爲一種習慣。而柯氏之有被選希望。亦非無理。第二爲舊家之出身。蓋彼爲英國舊家之後。係保守的人物。美國雖爲民主國家。而社會尊崇世家大族。雖其物質文明異常進步。而政治上信條則趨向保守。戰後之反動時代。尤以保守的傾向爲盛。柯氏實保守主義之寵視也。第三爲地盤之有利。蓋美國之總統選舉。並非民衆直接選舉。而爲有權者指定選舉人。其選舉人選舉大總統也。共和黨以東部爲根據地。全國四十八州中。紐育州外二十二州皆占優勢。其選舉人之數爲二百九十九。民主黨則以東部爲地盤。有十一州占優勢。選舉人之數爲百三十六。所餘疑問之州不過十二。選舉人數不過九十六。如第三黨之賴富雷特不能得勢。或民主黨地盤被其蠶食。則柯氏當然有比較勝利之機會。且柯氏


柯立芝於宣言正式承認爲本黨下屆選舉總統候選之前人。接見本黨諸領袖之景（柯氏夫婦立於正中）

主黨則以東部爲地盤。有十一州占優勢。選舉人之數爲百三十六。所餘疑問之州不過十二。選舉人數不過九十六。如第三黨之賴富雷特不能得勢。或民主黨地盤被其蠶食。則柯氏當然有比較勝利之機會。且柯氏

更以道威斯爲其副總統之候補者。亦有相得益彰之妙。道威斯者生於一八六五年。亦清教徒之子孫。廿一歲時已畢業法律學校。又曾習鐵路工程。後開業爲律師。隨又受銀行界之後援。經營自來火公司。卒成芝加哥方面有力之一實業家。歐戰之時。任軍需部長。得授少將之職。戰後被任爲新設之豫算及計檢査院長。制定新豫算制度。以有事務家之手腕。斐聲於時。去年爲德國賠償問題。主持

道威斯委員會。制定報告案。博世界之榮譽。柯氏利用道威斯之聲光。使爲本人任宣傳。並以本人選舉地盤偏於東部。道威斯則出身中西部之伊立諾伊州。於競爭上亦有便利。惟柯氏競選有一弱點。即煤油案之疑獄是也。在哈定總統時代。曾有實業家勾結政府。要人收買油田之事。致與大獄。共和黨幹部與柯立芝雖在議會查辦。以牽涉太多。卒令含糊擱置。此爲反對派肉薄共和黨之一口實。而柯氏所引爲苦痛者也。台維斯之爲人。中庸平正。與柯立芝不相上下。因係摩根銀公司之聘任律師。反對者乃目爲資本家之走狗。台維斯則力白其爲自由主義之人。且舉出曾爲勞働界在法廷幫忙之事實。以自明。就柯台兩氏比較。台氏辯才較優於柯。而法律之智識。黨內之聲望。更遠逾於柯氏。其所推之副總統候選人卡爾斯。白利安與氏亦足相輔。卡爾斯。白利安爲前國務卿維廉。白利安之弟。於過去二十八年間。在法律政治兩面。爲乃兄之助

美民主黨總統候選人台維斯演說時姿態



手。曾任某州省長。與西部農工階級極有感情。平日主持禁酒主義。爲進步的人物。台維斯以此人爲副。蓋爲吸收西部人望。抵制第三黨在西部農民間之活動。且可專占老白利安之協助。如柯立芝不能當選。則白利安實有進主美國大政之希望也。賴富雷特氏向爲進步主義之人物。五十年來始終一貫。反對金錢勢力。十二年前羅斯福三度當選大總統。即拜賴氏之賜。本年六月共和黨大會。柯立芝以最多數被推爲候選總統。當時賴氏以共和黨進步派之領袖。率二十八名之威斯康辛代表者列席。然當時人已知賴氏將組織三黨加入競爭。其後果然而於憑藉農工階級之勢力。迭作刷新國政之鼓吹。確有不可侮之聲勢。且也邀民主黨之進步分子威挪爲第三黨副總統候補人。更可使共和民主兩黨間受動搖。以七十老翁。有此魄力。誠至足佩仰也。

時方抨擊共和黨政府之紀綱不整

二、各黨宣布之政綱

共和民主進步三黨。本年均先後制定新政綱。共和黨於六月十一日議定宣布。民主黨於六月廿八日議定宣布。進步黨於七月四日議定宣布。其于國際及國內政治問題政策之說明。共和民主兩黨較爲繁細。而進步黨則甚簡略。其大概如左。

▲國際合作 關於國際合作。進步黨政綱僅言志在謀世界經濟之恢復。彌歐洲大戰之遺患。於所擇之手段則未著一字。共和民主兩黨政綱

則不然。前者力主組織國際永久法廷。於國際聯盟則拒絕參加。並不願美國履行國際聯盟盟約中之義務。僅於聯盟之人道主義事業。允許爲有條件的合作。以爲國家對外政策之根本原則。須獨立不倚。不當使其與他國關係或權利發生矛盾。若使美國加入聯盟。是勢必致國家有干涉他國政治問題之嫌。大非所宜。並謂哈定總統於國際聯盟之外。召集華盛頓會議。獨建裁減世界軍備。促進遠東諒解。保全太平洋和平。以及開放遠東商場門戶之殊功。可證其所取政策之優越。而國際合作之不必恃諸國際聯盟。因是柯立芝總統主張再開國際會議。限制各國陸地軍隊與夫限制毒氣潛艇等之使用。亦彼黨認爲所應提倡。民主黨政綱則贊成國際聯盟之世界法廷。主張以爲除國際聯盟而外。保持永久和平。絕無其他辦法。惟美國之是否參加問題。則不膠本執黨意見。主張應經全國詳盡考慮。中國會正式議定。

美進 步黨 總統 候選人 賴 富雷 特 演 說 時 姿 態



於犯法。則政府失國民之望。根本行將不固。故本黨將以政府全力推行憲法及各法令。以期達到充分維護法律秩序之目的。民主黨於推行憲法及各法令。亦引爲本黨之志願。惟力言共和黨政府之未能奉行禁酒律。謂其實蹈容許販酒之罪。而爲違犯禁酒律者之保護人云。

▲整飭紀綱 關於社會抨擊政府紀綱不整。官吏爲政不力一事。民主黨之政綱。攻擊共和黨。謂其力圖障礙肅政者之調查官吏舞弊案。即使無意從事破壞。亦必有意作梗。而共和黨政綱。則深惜千百忠實官吏之名譽。同被惡吏玷污。表示意願速將舞弊者。不問其黨派及位置。一律與擊現政。以公正迅速之制裁焉。

時方抨 擊現政 以公正迅速之制裁焉。

▲限制移民 進步黨於移民問題。「爲政 無意見。民主黨贊成排除亞細亞民族。共和黨則細述限制移民不得已之苦衷。主力保持現在之法令。而不獨標以亞細亞民族之字樣。蓋各有特別作用。在乎其間也。

特別作用。在乎其間也。

召集國民總投票會。以爲政府抉擇之標準。再進步黨於國際聯盟世界法廷計劃。雖未有意見。然反對參加態度仍明顯。其首領賴富雷特主張。按照歐洲停戰約定之條件。修正巴黎和約。改善各國非戰各條約之內容。廢除徵兵制。從嚴縮減各國水陸軍備。並保障對於和戰兩途國民總投票之權利焉。

▲厲行酒禁 關於禁酒問題。進步黨無主張。共和民主兩黨雖同以禁酒爲然。而論調各別。共和黨力言國家法律分應極力維持。若使人民易

▲獎進農業 共和黨政綱。於獎進農業。頗自詡該黨執政後之政績。謂此後當一仍舊貫。且當以減少租稅。運費。農業組合。改良分配。以及增加出口手續。務使農民益獲利便。農業得與其他實業在經濟上處平等之地位。至保障農產。當取保護關稅制度。以防他國農產之競爭。此外並將組織糧食彙合登市之聯邦機關。防止農人自行競爭之弊害。民主黨政綱。攻擊共和黨政府謂政府所採保護關稅。妨礙國際關係。增加水陸貨物運費等政策。實爲農業不振之大原因。本黨當採國際合作政策。恢復

歐洲市場以爲振興農業之途徑。此外並當酌減關稅整頓水利低減農業運費。庶農民於生產消費兩方咸獲其益。進步黨之政綱謂振興農業當創設國立農產上市機關。保障農產使得伏原之代價。中央地方同時立法與農業組合以保護。改良聯邦準備金庫及聯邦農業貸金等諸制度。使公衆直接管理國家公款。俾農民均有享受利益之可能。此外更應由中央地方立法獎進合作銀行制度云。

▲工人待遇 共和民主進步三黨皆主張批准關於幼工之憲法修正案。授權聯邦議會便得制定取締童工之法律。此外共和黨政綱主張立法保護女工。取締每週工作七日每日工作十二小時。及改良工人教育等。民主黨主張於失業問題嚴重時以修理公共建築工程爲救濟之一道焉。

三、選舉形勢之複雜

▲選舉方法之變遷 當美國編制憲法時。對於選舉大總統之手續。曾經多次之商榷討論。最初有人提議。總統當由人民直接選出。但反對者以爲欲使全國之人民選公正有爲之人。爲一國之行政元首。是不啻令盲者辨色澤之深淺。未有不愜事者。後又有人提議。由國會將總統選出。當時華盛頓曾極端反對此議。最後乃訂出一折中辦法。先由各州之立法部選出選舉人若干。其人數與各州在國會內之議會人數相等。然後由選舉人組織一選舉會。大總統即由該會內選出。各選舉人須爲各州內之傑出人材。在社會上有聲望者。投票選



大總統時。可隨彼等個人之意見。任選何人。不受任何方面之束縛。惟此法相傳至今。已與當年初制定時。不盡相同。外表之組織。雖一仍其舊。而內容方面。已經若干度之變遷。各選舉人以前多係由各州之立法部選出自一八六八年以來。改由各州人民選出。所謂選舉人。已漸失其重要之地位。惟每當選舉總統時。爲人所注意耳。現任總統係於明年三月四日滿任。所有選舉人。須於明年一月十二日。在各州會集。選舉總統。其所投之票。須于明年二月四日以前。遞至華盛頓。于二月十一日。由參衆二

美共
和黨
副總
統候
選人

議院開一聯席會議。開驗及計算各選舉人所投之票數。于該日之三星期後。新大總統乃開始接任。此蓋美國大總統產生之預定途徑也。

選入
道威
斯演
說時
姿態

▲各黨命運之預測 以共和黨候選總統柯立芝。民主黨候選總統台維思二者之勢力比較。共和黨似較優厚。惟此次該黨內忽產生所謂賴富雷特派之進步黨。其宗旨。不盡與共和黨相同。賴氏當歐戰時曾力主反對美國加入戰爭。因此聲名

雀起。最近美國煤油案之軒然大波。即彼所掀起。故頗能得一部人士之信仰。此次大總統選舉之結果如何。當視賴富雷脫所得票數多寡。及柯立芝與台維思所得票數之多寡而定。賴富雷特若得五州選舉人之推戴。此五州之選舉人。若假定爲三十九名。美國全國四十八州之選舉人。共有五百三十一名。而同時柯立芝及台維思又皆不能得全國選舉人過半數之推戴。全國選舉人過半數之最低限度。爲二百六十六

名。則按美國憲法。總統當改由國會選出。蓋憲法內規定。候選總統須有過半數之投票。方能當選為次任總統也。

若二候選總統皆不能得過半數之投票。不得已由國會選舉。則此實為美國數百年來罕見之事。國會選舉時。其選舉權係以州為單位。各州在國會內之代表。無論少至一人如亞利桑那州。多至四十三人如紐約州。皆祇可投一票。按美國四十八州內。有二十三州為共和黨。彼等必選柯



美共產黨所推定之總統候選人福斯多 W. N. Forster (該黨之推總統候選人以本年為第一次)

列芝。但因進步黨崛起之故。此二十三州中恐有一二州將捨柯氏而選賴氏。如此則擁戴柯立芝者至多為二十三州。至少為二十一州。此外屬民主黨者有二十州。彼等必一致選台維斯。其餘尚有五州。其代表半屬共和黨。半屬民主黨。不能投票。按美國憲法之規定。候選總統由國會選舉時。至少須有過半數之投票。方能為繼任總統。即至少須有二十五州之推戴。但因二黨皆無此魄力。故結果國會不能將總統選出。如此則美

國繼任大總統。將用何法以產生之乎。美國憲法曾有規定。若國會不能將總統選出。則按大總統死亡之例。由副總統升任。但尚有使此問題益為複雜者。現任之總統柯立芝。即係由副總統升任。若憲法內所指之副總統。係四年前所選出者。則今日之副總統一席。尙付闕如。無從升補。若所指係新選出之候選副總統。則共和黨所選出者係道威斯。民主黨所選出者係白利安。按法當由參議院在此二人中選出一人為繼任大總統。在參議院內。屬共和黨者五十人。屬民主黨者四十三人。驟視之似共和黨居多數。道威斯最有希望。但該黨復因賴富雷特氏之崛起。或有少數捨道威斯而選賴氏。亦為意中之事。萬一道威斯及白利安之票數。竟因賴氏故而相等。則參議院仍不能將大總統選出。其時大總統究將用何方法以產生之。憲法內並無明文規定。有人提議。若果如此。則當由內閣人員依次遞充。最先為國務總理。次為財長。總長。次為陸軍總長等。但此祇為理想之談。故若擁戴賴富雷特氏者增加。使柯立芝及台維斯二者皆不能得最後之勝利。則美國之大總統選舉問題。將因此而發生無數波折矣。

羅瘦公先生遺作

●朱古翁以雙生詞刻見寄中多憶梅郎之作
屬以一本貽梅郎寄答此章

三年不得強村札。却為梅郎一寄書。報道有人相憤。苦情應妒我。望衡居燕臺。自詫尋常見洛市。終防看煞渠。倩影已教題贈去。况翁詞興更何如。

倫敦會議之前因後果 (續)

美國政論家西蒙士
Frank H. Simonds 著
蔡受百譯

(四) 英法在倫敦會議內之情勢述略

世人于倫敦會議。多有一普通之誤會。以為法國在會議內。已自願將其對德自由行動之權放棄。此與魯爾之事。以為純出法國一己之意。不顧別國之勸阻。而單獨進行。誤會如出一轍。于概述倫敦會議內英法情勢之前。不可不將此疑點一闡明之。須知凡此傳聞。皆屬子虛烏有之事。法國于會議內既未放棄其自由行動之權。即于占領魯爾以前。賠償委員會內之英代表。亦未嘗與法爭執。稱此為背約之事。當法比及意代表決定對德施行懲戒時。英不過消極的不投票而已。由此可知宣布德國違約。並非出于法國一己之意。而占領魯爾。亦非彼一國單獨之行動。比利時固嘗與之偕行。而意大利亦未嘗無分。其時英國並未提出合法與否之問題。直至數月後。木已成舟。而英方出反對之言。其實一可笑之事。英之首相波那勞。當時雖稱此舉無補于事。而實望其成功。而喬治氏當任首相時。又稱各國有單獨進行之權。當魯爾被占時。英國且並未向法抗議。謂一國不當單獨行動。惟謂若不得四國之同意。則一國不能獨行其是耳。即在現今倫敦會議所定新制度之下。若德國復作一九二二年之故技。被公認為有意違約。若法與比仍擬用武力對付。則彼等仍可自由占領魯爾否。乃另一問題。當視其時之情形如何而定耳。按英國對于賠償問題之政策。曾有二次作極端之錯誤。一係于一九一九年。在巴黎堅持賠

(一) 倫敦會議之後台人物



道威斯之計畫起草者道威斯

償總額之擴大。一係于一九二三年。當德國提出占領魯爾問題時。英于其時。竟然無一言。直至數月後方提出合法問題。然已嫌其晚矣。且即就道威斯計畫本身而言。此項計畫之實施。亦不能謂為英國之勝利。謂為法國志得意滿之事。尚相近也。吾人試將此計畫略一研究。即可知之。蓋在此計畫下。德國每年規定應付之數。較前喬治氏所採用基納斯學派所規定者。增高甚多。且此計畫內明白指示。以前德國之所以未能如約付款者。非彼無付債能力。實由于有意之狡賴。此乃法人一向堅持之說也。自英人方面言之。情勢之惡劣。尚有甚于此者。蓋今後此賠償問題。已越出政治範圍。主持此問題者。已非政治家。而為學說專家。美人亦與聞其事。所規定德國應付之賠款。為數又極巨。若德果放棄其責任。不遵約付款。則法國可以專家之意見為護身符。而對德自由行動。此既非政治問題。其時英人竟無置

喙之地也。

據英美報紙之所述。謂法之所以堅欲得德之賠款者。醉翁之意。不在酒。彼蓋故令德負此巨大之賠款。使之無從應付。然後藉口于德之違約。而實行其摧殘德國之私心。若我人信此說為不謬者。則倫敦協約。誠可謂為法人之失敗。蓋此約確予法人以一層束縛。使之不能遂其私心。向德施其殘暴也。但此說果可信乎。按此說成立之根據。蓋係假定德國賠款總額之所以增至非常高度者。皆法人從中作俑。不知此種假定。實根

本錯誤。法人並未有此種行爲。此皆係英國之拙計。前已言之。此說又假定法人反對將賠款總額減低至德人付債能力以內。此亦爲無根之談。觀于法之接受道威斯計畫並無異議。即可知矣。

今再自法國報紙之論調觀之。即可知道道威斯計畫之實施。確係英國完全失敗之證。因法人之意見。始終以爲英國政府唯一目的。無非欲恢復德國之經濟財政。減少法國由德取得之利益。恢復德國之市場。俾英之工藝品可以在德暢銷。又用裁減軍備會議之美名。以圖減削法之武力。俾不爲德患。在法視之。凡此皆英之初衷。而

(二)物人台後之議會敦倫



德們拉表代司公銀根摩國美

行動。而引起歐洲全局之混亂。或竟引起戰端。則于英之安甯將發生問題。而損失之範圍將益擴大。但一方面若德人不能履行專家計畫之義務。不能如約付債。即將使法淪于破產之境。而德人若因不付債而經濟復興。則法對此勁敵有孤立無援之勢矣。

所有歐洲時局之騷亂情形。一言以蔽之。皆係由于各國利害之衝突。在倫敦及巴黎舉行之會議內。各國之代表。無不各營其私。各顧其利。以其本國之利害問題爲前提。以至彼此爭執。成不可收拾之局。當喬治氏握權之時。彼深信以爲可使法屈從英國之意。而一方面普恩資亦作此想。以爲法可抑英而自伸其意。結果二國至不相屈。無一允舍已而從人者。因二者之勢力平均。彼此皆有極力遏止對方之行爲。而又皆無力伸己之意。以抑人之意。故成此不了之局也。

在此種僵局之下。于是美人之加入。乃彌覺其可貴。蓋美國居于超然地位。于雙方皆無偏袒。可以其客觀之見解。作英法之調人。使事理歸于至公。美國之意。以爲德人所付賠款之數。當以其付債能力之最高度爲限。彼固不以法之占領魯爾爲然。但亦不採英之意見。作過分譴責之舉。美國之態度。可自道威斯專家計畫內見之。該計畫既從法人之意。使德人付甚巨之賠款。亦從英人之意。對德作相當之保護。若德能按約付款。則不至無端受人之凌虐。若法因恐懼或嫉妬之故。稍存不利

孺子之心。則將立遭美國之反對。但德果頑強不付賠款。則亦不能得美之援助。即因此而引起敵人之侵陵。美亦將袖手旁觀。此美態度之大概。德國債償之唯一合理方法。惟有以貨物找現金。如此則于英有損。而法若用武力強迫德國付債。則于英在德之市場又有損。若因法國強暴之


也。

當英法雙方對賠款問題意見迫不相抑之時。美會嚴詞拒絕任何方面之邀請。加入會議。直至雙方意見已漸接近。有開誠相見。容納忠告之意。美始允參與其事。道威斯專家計畫。始出現于倫敦。此計畫于法及比固極有利于德。亦無損傷。或竟有益。而以余觀之。其于英有利與否。實為一疑問。因此計畫非特使英之政治勁敵。經濟復興。且當德以貨物付法及意時。英在該數國之市場。將受極大之約束。尤有進者。聞德之鐵產與法之煤產。將有某種之結合。若此果成事實。則于英深為不利。惟此不過理想之談。前途究將有如何之變化。尚在不可知之數也。

(五)德國在倫敦會議內之情勢述略

今試轉述德國在倫敦會議內之情勢。德國最後之成功。今雖尚無把握。而一九二四年赴倫敦之德代表。在會內之地位。已與前一九一九年在巴黎會議內。或一九二二年在日內瓦會議內時。完全不同。如德代表賴齊諾(Rathenau)在日內瓦會議內。嘗秘密與蘇維埃政府訂約。將喬治氏全部計畫。悉行打消。以至其本身立于孤立地位。而今則不然。協約國及德國間。此種格格不入之情勢。已漸消滅。英法之當局。態度亦與以前不同。當英國工黨政府首相麥克唐納繼極端貴族派冠仁(Viscount Curzon)當外交重任時。其部下官員嘗私下慶賀曰。而今始得一君子。與之共處矣。於此可知麥克唐納與冠仁之為人。截然不同。自麥克唐納當權後。舊社會中種種之繁文縟節。盡行蠲免。會場內之空氣。為之一變。而赫里歐及德外長史特萊斯曼(Stresemann)亦皆一改舊觀。將以前不歡之事。竭力避去。

倫敦會議之傀儡新戲



此次倫敦會議。以美國道威斯計畫為本題。而對德二萬萬美金之借款。又為題中之題。以故英美銀行家實居操縱之地位。政治家咸俯首以就經濟家之支配。此圖蓋能表現此間之真相者也。

其在會場內交涉之手腕。與前喬治及冠仁時代大相徑庭。英當局之態度。既已與昔不同。故當德代表至倫敦時。款待之者。亦與前不同。當德法英三國代表談話時。皆能開誠相見。以前法人對德種種神經過敏之猜疑。至是方知其不確。赫里歐于八月間。嘗過返巴黎一次。盛稱

德代表態度之光明正大。在此種情形之下。談判自易收效矣。

麥克唐納嘗以其外交政策告余曰。彼于賠償問題交涉。並不敢存多大之奢望。惟期努力造成一種情形。俾將來滿意之結果。可自此產生耳。倫敦會議自各方面觀察之。皆可謂為麥氏成功之證。隨處可見其天賦之外交才能。於此令吾人憶及當英國工黨政府初成立時。加拿大新聞記

者至倫敦參觀之事。彼議英國之保守黨及自由黨。皆稱麥氏為近年英國外交界罕觀之偉人。今即令彼之此語為言過其實。但麥氏在倫敦會議內所為種種。並無足以證此說為大謬不然者也。自歐戰停止以來。屢開會議。迄已不下十四次。而皆因個人或政治方面之關係。未能有纖微之成功。足以慰世人之渴望。今最近舉行之倫敦會議。似與以前各種國際會議情形完全不同。喧擾數年之賠償問題。大有可以解決之趨勢。此一部分未始非麥氏之功也。

德代表赴倫敦時。與德代表相同。皆負有嚴重之使命。感有同樣之困難。若偶一不慎。交涉時將緊要之點略過。或作某種讓步時。未能得相當之代價。則其國內將作種種反對。令代表既無以對外。復無以對內。處於進退維谷之地。德代表此來。負有最重之使命。即魯爾之撤兵。尚有更切要者。即撤兵之須迅速而勿拖延也。法之所以欲占領魯爾者。彼固已自言之。蓋非欲以魯爾為抵押品。亦非欲藉以收賠款。實欲以此舉令德人知抵賴付債之不可能也。法初占領時。並無甚厚之兵力。後因德國堅持消極抵抗之策。兵力遂逐漸增厚。非德國取消此策。決不撤兵。其時法國對於道威斯專家計畫之接受。尚在躊躇中。德國究能付債否。亦無切實之担保。故法不得不堅持占領魯爾也。

(三)物人台後之議會敦倫



美國非正式之賠償委員代表洛甘上校

履行計畫之初。雙方互不相下。在法之持其說。亦未嘗無理。由蓋法若於德未真實順從道威斯計畫時。即先撤兵。則其地位。實甚危險。撤兵後若德故態復萌。彼又將奈何。且進言之。法之須先撤兵。實不啻予德以賴債之機會。故法代表嘗於巴黎公然宣布曰。若法於德履行道威斯計畫前撤兵。則德恐將永無履行道威斯計畫之時。若果如此。則法其時祇有二途可行。一即重複占領魯爾。一即默然承認此項賠償之損失。後者非法所願。前者各國皆不願見之也。

但一方面德亦未嘗不能言之成理。若法兵須於德履行道威斯計畫後。方能撤退。則德履行一部分義務後。法仍可託故繼續占領魯爾。其時德又將奈何。故在政治範圍以外。二國對此問題。各有其反對之理由。亦各能自圓其說。德人大都以為法之占領魯爾。意不在取得賠款。而實欲以此摧毀德國之實業。故魯爾之撤兵。在法人觀之。其重要不亞

于當大戰時。令法將其國北部之兵撤退。因此德國代表。若未得法比切實允許撤兵。貿然接受道威斯專家計畫。則後患無窮。彼亦無面目歸見本國之父老。而德經理馬克斯及外長史特萊斯曼。至是亦決不能復安于位也。但一方面赫里歐若允撤兵。尚未得德國履行道威斯計畫之保證。則亦不能歸見其國人。彼之欲確知德實行道威斯計畫。與史特萊斯曼之欲確知法之撤兵。二者正復相同也。此外尚有一點。足以使此問題益為棘手者。即二國皆欲保持其國體之尊嚴。即前述之困難皆已消除。彼等仍不願輕于然諾。否則將自損其國威矣。

現倫敦人士多望法及德能接受道威斯專家計畫。而普恩資及赫里歐皆已宣布準備撤去魯爾之兵。惟尚有一困難之點。即法雖允撤兵。而須觀德已履行專家計畫之初步後。亦可實行。德則謂須法先撤兵。然後可

雖然在此種困難情形之下。亦未嘗無一綫之希望。蓋若德果能履行道威斯計畫。則法實願撤去魯爾之兵。而德亦曾明白宣布。若法果撤兵。則彼亦實願履行計畫內規定之義務。故二國之相持。不過時間先後問題。與此問題之本身。實無關係。若二國中有一國之人民。或政治團體。希望此計畫之失敗。或二國中有一國。其利點別有所在。而不在此約之能成。則道威斯計畫。方真無實施之希望。此僵局方真無救藥。而今則幸而事實并不如是。德人最初即嘗明白表示。願接受道威斯計畫。願採取倫敦會議內英法已同意之協約。且雙方所辯難者。皆有其不可掩之苦衷。并非無理取鬧。希圖破壞者可比。有人以為法德將出要求修改凡爾賽和約之下策。以卸大戰戎首之責。實過慮之論也。

(四)物人台後 議會敦倫



滿爾諾裁總行銀家國英

亦未可知。但在正式之公文內。則未有此等協約也。又二國對於政治。皆允許採用寬赦主義。凡前抵抗法國占領魯爾之政府。曾由赫里歐下令許其自由也。

(六)赫里歐巴黎之行與倫敦會議之影響

當倫敦會議初開幕時。有人推測。謂魯爾撤兵問題。恐將不免引起法國內部之爭訐。又有一時期。嘗盛傳法首相與陸軍總長那里 (General Zlinski) 不睦之事。那里嘗于協約國會議內。提議裁減德國軍備者也。若赫里歐與那里意見果不能一致。則赫氏之地位。顯然將有不穩之勢。故結果赫氏乃有巴黎之行。將其計畫呈于全體內閣及大總統前。以冀得彼等之諒解。彼且曾與福煦將軍有一度重要之商榷也。

天下事有至奇詭不可思議者。人皆以為福煦將軍。遇事多與赫里歐掣肘。而彼于魯爾撤兵之事。于赫里歐非特不加以阻撓。且曾有所贊助。蓋外間雖皆知福煦為一軍人。而彼于占領

魯爾之事。則深不以為然。彼嘗以軍人之眼光。觀察此舉。謂占領軍之地位。并不甚穩健。彼等長驅直入。軍勢成凸形。陣綫過長。彼此不能十分聯絡。照應為兵家所忌。若德人作有力之抵抗。則法軍地位。實甚危險也。福煦在巴黎時。曾主張占據萊因河。以為陸軍之根據地。但不主張越過此河。因彼深知若法軍前進不已。則一旦德軍反擊。恐將不能支持。以至蹈一八一三年拿破崙軍覆沒于德之覆轍。此正福煦將軍之老謀深算。故不願法軍深入敵境。而與赫里歐為難也。

自倫敦會議開幕以來。除佈之交涉案件外。尚有種種謠傳。謂內部尚訂有種種密約。將使德國在稅收方面。得無數利益。有謂法之煤產。及德之鐵產。已訂有聯合之辦法。此固為甚合理之推測。或曾訂有此類協約。

赫里歐在巴黎費去不少唇舌。終能使其全體內閣意見漸趨一致。漸有允撤退魯爾法兵之意。擬于次年春間。完全撤退。赫氏并擁有全權。可自由依允取消法比鐵路員役留置德國扼要地點之要求。按凡爾賽和約之規定。暫駐科倫(Cologne)之英軍。應于次年撤退。現英人已允。若德不能完全履行道威斯專家計畫。則英軍將不舍科倫而去。自此赫里歐于撤兵問題。又得一重助力。蓋若退軍仍占領魯爾。而英軍先返。則法軍之地位。益為不利。因科倫之英軍既退。則法必繼英而占領科倫。否則魯爾之法軍將處于孤立無援之地。但法若擴充其占領區域。則非特德法間之感情將益惡劣。即英法間之感情。亦將益為緊張。且法軍于來因河一帶。作大規模之擴充。此于法國自身。亦為其不甚相稱也。

實際上麥唐納嘗予法以有力之担保。若魯爾之法兵撤退。英軍仍當偕法及比留據萊因河。直至德人完全實施專家計畫後方止。法德人所要求者。為法軍之撤退。與英軍無關。故英之此舉。于德并無觸犯。英德間之感情。不至因此而傷。英人又嘗暗示各國。若賠償問題能解決。則其後可于巴黎開一新會議。以討論英與法及歐洲各國間之戰債問題。此尤為赫里歐所深盼者也。

以上所述。多為倫敦會議內部之情勢。至于會外之情勢。則又不盡相同。近來歐洲民間。有一種至堪驚訝且無可掩飾之新趨勢。即所有與會議有關係各國之人民。見此賠償問題。喧擾已久。而迄未得一結果。皆不勝焦急。無不渴望此懸案。從速結束。而于各國間權利之得失。轉不甚介意。麥唐納赫里歐史特萊斯曼等。雖不必受後方之攻擊。但彼等皆深知此種公眾抑而不伸之感情。且知一般經營實業及商務者。因此問題不能解決。所受損失尤多。故亦亟欲得一結果。以慰眾之渴望。且五年來。各國

人民對于已國權利得失等瑣屑問題。在以前各種國際會議中。現為最重要者。至是多視為無足重輕。一般居重位者。見民意如此麻木。已不甚懼因交涉稍有舛誤而惹起民間憤激之感情。故多敢放胆行事。無所畏意。此亦國際會議中一可樂觀之現象也。

當此文脫稿之時。赫里歐已自巴黎返倫敦。所有各種交涉案件。已得法國全體內閣之同意。但要求公文內法國方面之簽字。不能束縛其行動。直至法國國會將此事加以慎重考慮。通過後方發生效力。換言之。即倫敦之協約。須經法國國會之表決也。此種要求在巴黎人士觀之。亦未嘗無一部分之理由。并非有意搗亂。於是賠償問題。愈有解決之希望。同時德國已允許願實行道威斯專家計畫。現所有未了之問題。即魯爾撤兵時將採何種手續之討論也。

當去年春年。余自歐返美時。嘗于各報章一再續告讀者。近來歐洲有一最可令人注意之現象。即該處民間對於國際觀念忽生一種如上所述之新精神是也。此種精神。足使國際間之爭執。泯滅無形。使各國代表之討論。得收效果。倫敦會議即最足以表現此種精神者也。德國最近選舉之結果。似與此精神不符。然自馬克斯及史特萊斯曼內閣所發表之意見。可知彼等之態度。實為中和而非極端之國家觀念。吾所以深信倫敦會議必有多少之成功者。并非見其交涉已有進步而作此言。實因見歐洲民間新起之寬大博愛之精神。而深信其必足掃去會議中種種障礙。令其早底于成也。

(七)倫敦會議之將來

若倫敦會議果能成功。則將來之情勢如何。仍有討論之必要。因該會議即能成功。亦祇于解決時局根本方面。前進一步而已。此後又當如何。此

不可不研究者也。即賠償問題已獲滿意之解決。則國際間之戰債問題。法比之安全問題。因此而連類及之德國安全問題。仍爲待決之懸案。蓋法國自一八七〇年普法戰爭及一九一四年歐戰以來。對於德國。已爲驚弓之鳥。無時不慮其國勢張大而復爲己患。自占領魯爾後。備備之心。殆賴以稍戢。自以爲此舉爲阻止德國復興千穩萬妥之策。足使德之來因省與魯爾互相隔絕。使法之疆界擴充至來因之中部。如此法人之心。固可稍慰。但同時又將引起德國之安全問題矣。

至於國際間之債務問題。據在倫敦及巴黎之報告。皆謂英國已允許於倫敦會議結束後。即將舉行一巴黎會議。專解決此問題。法人深信英國在該會議內。將以二年前波那勞所提議者。重新提出。結果歐洲各國對英之債務。可取消。惟保留一小部分。及德國所賠償者。俾英得以此款每年償戰時欠美之債。如此則此問題已有解決之趨勢矣。

尙有進者。吾人當知即使吾言幸而能中。倫敦會議果能成功。道威斯專家計畫。果被各國所接受。則德國賠款之總額。究爲若干。仍爲未決之一疑問。此事專家計畫內并未規定。因專家委員會無權規定之也。該會所規定者。無非德人每年付債之總額。其支付方法。及如何可恢復其國內之經濟狀況耳。今若欲規定德國之賠款總額。則德國每年所付按專家計畫規定之六萬萬元。究可繼續支付若干年。乃一先決問題。若欲解決此事。則須先解決歐洲諸國對英之債務問題。蓋英向彼等索款愈多。則彼等向德索款亦愈多。而專家計畫所定德國每年應付之賠款。其支付年限。亦將愈多。此乃顯然之事也。

粗言之。歐洲各國負英之債額。約爲九十萬萬元。而英負美及正在償還中者。約爲四十萬萬元。每年英還美之數。約爲一萬七千萬元。十年後。每

年償債總額增至最高度時。約爲一萬八千四百萬元。英人所得德國賠款。爲百分之二十二。即德若依專家計畫每年付債六萬萬元。則英從中每年可得一萬三千二百萬元。若波那勞之提議能成立。則英國向協約國所索取之債額。每年當祇爲五千萬元。否則英可收入四萬萬元也。現英欠美之債。預定約六十年付清。由此可推測。協約國對英債務。其償清期限。恐亦與此不遠。更可推知。德國之賠款。恐亦可于知許年內付清。歐洲各國對英之債務。以數量之多寡而論。法國當付百分之三十。俄國當付百分之三十三。意大利當付百分之二十五。今假定波那勞之提議能成立。則法國於前述之五千萬元中。以百分之三十三計算。每年當付一千五百萬元。意大利當付一千二百五十萬元。如此繼續支付約六十年。即可作爲償清法所欠之二十七萬萬元。及意大利所欠之二十五萬萬元。各國付債時。必將以德所付者轉付英。此蓋必然之勢也。

吾人于此當發生一疑問。即英國於債務方面。作此讓步。究何所得乎。以余所見。英之所得。至明顯者。厥有二端。第一。德國賠償總額之爭論。至是可告終止。第二。全歐洲之經濟及財政狀況。可以恢復。此不但直接于英國之商務有莫大利益。且可減少其國內失業之恐慌。但英國將即以此爲滿意乎。此乃吾人所不能解決之問題。惟吾人須知英之作此讓步。一部分亦由于法在倫敦對於賠償問題及魯爾撤兵問題讓步不少。於此可抵償英之所失也。尙有進者。赫里歐既在倫敦作種種讓步。若不能自英取得上述金融方面之利益。則其個人地位將搖動。而麥克唐納及英國任何機關。又無有願普恩賚之捲土重來者。爲尙有在此點以外者。德國將來對於安全問題之處理。或可因此而不爲過甚之舉。在國際聯盟會議內。法或可允德加入。將全部安南問題。交國際聯盟公斷。凡此皆英

所渴望者也。

歐洲各國對美之債務。除英國外。也皆為懸而未決之問題。美國現仍堅持所貸出之款。須完全收回。但於此有一點不可忘者。即美若堅抱此政策。則道威斯專家計畫所規定德國每年應付之債。勢必盡歸美所有。則此問題最後之現。將為德國每年所付之六萬萬元。盡由英法意比諸國經手。遞於美國。而歐洲復興之費。將無所取償。試問歐洲各國。能對之安然而不加計較乎。吾人須知前英國之所以願減少歐洲對彼之債務。一部分之原因。即由于英國深知歐洲各國。無論如何。決無能完全付清債款之理。即彼等能付且願付。英亦決不能每年安然享此巨款。蓋如此巨款。祇有以貨物抵付之一法。英之不能收受。前已言之。故余於此深信。美國最後。亦必步英之後塵而軟化。允將歐洲對彼之債務減輕。且英國波那勞之提議。若重復提出。則其時關於債務問題。唯一困難之點。將為

西南健將之熊克武



熊克武

四川自前清光宣以降。及至民國。十有三載。革命人才輩出。其人大抵趨重實行。不規之於文字鼓吹。吾人試一回憶。吾國二十年來之革命史。即知川人之盡力於革命事業者。其能具堅苦革絕。百折不回之精神。實以熊克武為巨擘。熊字錦帆。四川井研縣人也。沈毅有謀。重然諾。寡言笑。能健步。日可行三百餘里。少蓄大志。熊知命非武力不易成功。乃於光緒廿九年留學日本東斌學校。究心軍旅之學。三十三年。學成歸國。糾合同志。密謀改革。當其時。革命潮流雖已瀰漫全國。而苦於時機未熟。實力不充。艱於發難。熊則美國

不能通融之態度。但自各方面觀察。若將來果有此情形。則歐洲各國。必將以美國債務問題。暫擱先。將歐洲各國間之債務理清。然後顧及此問題也。

綜言之。今年之八月。可謂自巴黎會議閉幕以來。時局方面最有進步之時期。有關係各國之態度。在此時期內。忽有一明顯之變遷。皆願開誠布公。不復以詭詐相尚。德國代表自停戰以來。其態度從未有如此時期所表現者。美國之加入倫敦會議。於歐洲時局。尤有裨益不少。歐洲各國法德尤然。之所以能接受道威斯專家計畫者。蓋因此為美人所繕。又加以美國國務卿許士於倫敦巴黎布魯塞爾及柏林各處奔走說項。始得有此結果。美人楊格氏及洛甘氏在倫敦會議中之努力。尤為大衆所欽敬。故美人於解決歐洲時局方面。所貢獻實不為少也。

(完)

鐵僧

不避艱險。屢仆屢起。進行不懈。於是存江安之役。兵敗跳。旋謀發難。成都以事機不密。同志黃鹿生。楊莘友。張治祥。王述懷等六人被捕。熊幸脫。而其志益坐常慷慨悲歌。以為革命如不成功。必以身殉。故又有宣統元年。嘉定叙府屏山廣安之役。熊皆身歷危險。當義軍指揮督率之任。由是名震遐邇。清吏懸重金刊章追捕甚急。熊乃變姓名至數十次。并喬裝為商旅。勞動之流。隻身徒步。往來川境。運動改革。曾潛入成都縣獄中與楊維黃方諸人會晤。住七日而出。然風聲傳播。官吏防範益周。搜捕日急。熊慮事猝難成。乃於宣

統二年。再赴日京。與故喻大將軍培倫。精研製造炸彈之術。意圖暗殺清吏。以達所志。辛亥廣州之役。熊赴各省同志之約。參與機要。與現任四川討賊第一軍軍長但懋辛。持彈疾攻督署。以援軍誤期。軍敗。潛伏城隅。歷數晝夜。乃得脫。同志死難者甚多。即世所稱黃花崗七十二烈士者是也。熊復間關走津。京。秦。晉。意欲聯結北方同志。以爲捲土重來之計。而海內同志。鑒於廣州之敗。咸主發難。武漢。熊亦力持之。會四川爭路變起。人心動搖。武漢乘機起義。遂以推翻清室。而川難未已。熊君遂組織蜀軍。回川收束軍事。多所盡力。旋被任爲四川第五師師長。治軍嚴整。士卒樂附。爲川中各師之冠。未幾袁氏稱帝。陰結川軍。冀除熊部。癸丑八月。贛寧事作。熊仗義響應。轉戰數月。卒以後援不濟。敗走日本。旋袁氏叛國稱帝。乃急赴南洋羣島。約集同志。繞道安南。由滇入川。招編舊部。成軍。經蔡公松坡任爲招討司令。轉戰老鴉灘。叙。瀘。榮隆等處。所至克復。事平。復任重慶鎮守使。兼第五師師長。次年。北方解散國會。熊義不附北。復擊退北軍於重慶。興師護法。又被任爲四川靖國各軍總司令。兼理軍民政務。川軍劉存厚。鍾體道。助北抗命。熊以孤軍力戰破敵。克復成都。劉鍾狼狽遁。熊率部追至漢中而止。蓋不欲以多殺爲武。而亟亟於保境裁兵。與民休息也。旋經軍政府任爲四川督軍。治軍三載。川事稍定。乃舊系川軍將領嫉妬挑撥。致與民軍客軍發生誤會。遂有九年之役。熊棄職出省。集大軍於潼川。猛力反攻。率驅客軍出境。滇將趙又新死焉。滇黔各軍均各率敗軍回籍。



而滇黔遂從此多事。其時粵中軍府所解。自顧率部向外發展。北庭乘機任熊爲四川省長。熊通電拒絕。力主聯省自治。與湘省協同出兵援鄂。師次宜昌。武漢震動。惜湘軍先潰。川軍以獨力難支。遂各退還原境。舊系川軍。乃欲乘勢削除熊部實力。又於十一年七月。聯合川軍。對熊部第一軍突施攻擊。不料熊部亦得一部川軍及地方人民之援助。反敗爲勝。川將劉湘解兵下野。楊森亦竄伏鄂西。羣擬推熊復主川政。熊自知嫉忌者多。深自謙抑。而以實力輔助第三軍軍長劉成勳。以期貫徹其主義。深爲曹吳所忌。嗾使楊森。勾結反側之匪軍爲內應。資以餉彈。并以鄂省全軍

但懋辛 復得者兩次。戰綫綿亙數千里。戰期延長十數月。卒以餉彈兩缺。退往黔東。計曹吳決心圖川。傾黔鄂秦隴數省之師。志在剿滅熊軍。以爲快。而熊運其謀略。常能保其大部實力。不可謂非人傑也。近頃奉直江浙戰起。駐川北軍撤返原防。川將楊鄧積不相能。舊部中頗有請熊秉機返川者。熊以不欲久事內爭。派但懋辛石青陽等。力謀西南團結。深得各省同情。復奉命任爲三省建國聯軍前敵總司令。已決言假道湘西。下規武漢。牽制洛吳後方。以期縮短戰禍。雖效力不敢預斷。而熊不屈不撓之精神。於斯益見。爰紀其略。俾當世論人者得所參攷焉。

美國新聞事業

汪英賓

作者汪君爲上海聖約翰大學文學士。美國密蘇里大學新聞學士。哥倫比亞學院亞新聞新聞碩士。是篇爲汪君在青年會之演講稿也。

世界新聞事業。以中國開始爲最早。而其進步爲最遲鈍。以美國爲最新。近而其發達爲最迅速。中國在耶穌降生前二千三百五十七年帝堯之時。已有新聞學。所以言此者。因新聞之傳。本不專賴文字。道聽途說。新聞以傳。堯帝治天下五十年。遊於大街之上。兒童歌曰。『立我烝民。莫匪爾極。不識不知。順帝之則。』此類歌謠。何異於今日歐美各國之讚頌評論哉。即相比較。亦有過之無不及。至於採集新聞。則中國商周之間。已有官吏專司其職。春秋一書。二百四十年新聞之結晶。根據於彼等平日之紀載者也。沿至漢朝。即發現歐美各國所謂雜誌者。月旦評。月歷。月表。即此類也。甚至新聞事業之所不可少之印刷術。如紙。墨。活字版。皆爲我國千年以前之發明。由此觀之。中國之新聞學。先世界各國而早有之矣。雖然。中國新聞千餘年來。絕少進步。即以今日發達狀況較之歐美。亦不能及其萬一。此吾之所謂世界新聞事業。以中國開始爲最早。而發達最遲鈍者也。以新聞歷史價值觀察美國新聞事業。其年代之幼稚。可無待言。蓋自其第一報紙至今。不過二百餘年。惟此二百餘年中。報紙之增加。廣告之發達。則有令人驚訝者。一九二三

年政府之統計冊載。出版品共有二萬餘種。日報一種。已佔二千六百餘家。設以美國全國一日中所印日報裝訂成冊。其冊數恐已在我國一部二十四史冊數之上。此我所謂世界新聞事業。以美國爲最新近。而發達最迅速者也。

美國新聞事業既爲世界之冠。其過去及現在之發達。史自是複雜。在此短促時間。決難逐一演講。惟簡單提綱。似爲必要。故請先講美國新聞事業原始。

一美國新聞事業之原始

美國新聞事業。本非起源於美國。十五世紀末葉。英國言論自由爲政府所摧殘。信仰自由之士。羣趨新大陸。以圖發展。有新聞家赫來司者。因著作觸犯政府。於一千六百九十年逃



汪英賓君

往美洲。在鮑司登創立美國開天闢地第一張報紙。其名曰公衆時事報。月出一份。專載西歐政聞。并主張社會忠實。舉凡謊言者。皆以姓名刊登報端。使人民慎而避之。奈良藥苦口。人心愛逸。無論其宗旨如何正大。終

惟此二百餘年中。報紙之增加。廣告之發達。則有令人驚訝者。一九二三

失社會之歡心。赫來司卒灰心而退。赫來司失敗以後。新聞之命運遂落於地方郵務司手中。蓋當時美國居民皆爲歐洲各國僑民。海外僑居。欲聞祖國國事甚殷。惟其時交通艱難。傳達新聞惟郵局蓬船是賴。郵局趁此發行報章以爲營業。月出報告。略載歐洲時事。以郵局分散報紙較爲便利。發行報紙竟成郵局之專利。此類報紙之主筆。皆各任郵務長担任之。美國新聞事業至此惟可稱爲胚胎時代。

美國革命起事。新聞事業隨之勃興。革命本以自由爲主。人民苦英政府之專橫。流連無告。革命志士皆賴報紙爲宣傳之器。故數驟增。人民此時皆萬衆一心。視報紙爲唯一代表民意之機關。新聞事業受此鼓勵。一響俱應。美國新聞事業亦從此開端而成萌芽時代。

革命告成。舉國從事政治之建設。政府之改造等問題。政黨因此紛立。報紙論調各樹一幟。一般政客利用報紙互相討伐。故當時報紙均含政黨臭味。新聞事業在此時代大受打擊。新聞道德亦愈趨愈下。於是政府有頒行報律之舉。以規限言論自由。一時報數雖減。而華盛頓京都之內無論大總統或議會議員稍有勢力者。即各有機關報。以作保障。在此時期內。新聞事業如同水火。能利能害。私人攻擊。社會騷然。惟報紙之存沒。終久視人民之愛國與否爲準的。政黨津貼決非久計。且黨派報往往偏向人民漸厭閱之。故報紙隨政黨起衰而存沒。新聞事業在此時期名謂革命時期。

一千七百八十四年以前。美國所有報章皆非日報。至是紐約發刊美國第一次之日報。其名曰美洲通告日報。此報以後改名曰紐約環球報。至今猶依次每日出版。

美國最新新聞產生以前。各種報紙俱以篇幅大小。報章多少。互相誇耀。

是類報紙徒然虛事鋪張。糟塌金錢。且主其事者皆非至誠之士。故風行不久。皆爲淘汰。直至十九世紀。最新新聞相繼在紐約發現。一千八百三十五年卡奈脫以五百金洋創辦紐約「海那爾特」。一千八百四十一年葛利來以數十金洋創辦紐約「屈理評」。一千八百六十九年譚納創辦紐約「太陽報」。一千八百七十一年雷孟以四萬金洋創辦紐約「泰晤士報」。卡奈脫主重新聞。葛利來主重評論。譚納主重文學。雷孟主重公道。在此時期。人才濟濟。編輯方法日臻精美。一俟工業革命。汽電發明。新聞事業猶黑夜中之火炬。常在前鋒。沿至今日。新聞事業之發達。可爲世界之冠。上述不過爲美國新聞史之提綱。刻以時間短促。不能討論及微。祇能以其發達之原因。略加申說。


二美國新聞發達之原因

美國新聞事業開始至今。雖有二百餘年。其發達時期猶在最近之八十年中。統計之。美國全國出版品在政府註冊者有二萬一千八百五十種。其中日報有二千六百餘家。星期報有一萬六千種。月刊有二千五百餘家。其他定期刊如週刊、半月刊、年刊、亦有數千餘種。每年所有出版品進款總在十八萬萬金洋以上。定期刊如日報、月報、星期報之類。年常進款在十一萬萬以上。全國以新聞爲執業者。有十萬餘人。每年薪水有一萬萬美金之多。

全國日報銷數每次出版有三千萬份。星期刊出版每次有二千萬份。月刊每次出版達八千萬份。各種刊報費收入每年達二萬萬美金。廣告收入每年達五萬萬美金。新聞事業之年常進款。可佔全國出產進款百分之二十。由此觀之。無怪乎美國以新聞事業列爲世界十大事業之一也。然其發達必有所因。請爲諸君討論其最著之原因。

美國新聞器械之進步 語云工欲善其事。必先利其器。美國新聞業之所以發達。當先推新聞器械精美為第一原因。新聞之傳達。以快為要。夕有事故。晨必傳聞。美國報館苟無精美機械。雖有極快新聞亦無法以傳達。查美國最先報紙俱用手搖印字機器。此種機器皆歐洲運往。後用英法發明之汽力電力平面印報機器。雖較迅速。對於排字拼板。仍感太慢。於有成行排字機之發明。此種機器一似打字機。祇須打去。機器即能一一排出。惟銷數增加。平面印報機器。又不適用。於是有圓筒印報機器之發明。此種機器。每部於每一小時最快者。可印八大張或十六大張之報三四萬份。此種機器發明之後。省時省工。報價因之低廉。銷數亦隨之飛漲。美國新聞事業亦因此發達。

紐約泰晤士報 第一頁之編製



報紙廣告之發達 全國日報廣告。每年收入上已提及為五萬萬金洋。此種進款。本非容易得來。且不論其廣告之如何兜銷。即以專管各報廣告之廣告社而論。全國已有二千餘家之多。此類廣告社。實為美國新聞發達中之一大原素。彼等每日專為各行商家編輯廣告。留意登刊。而各報紙因每日廣告之繁多。固不暇四出兜銷也。去年記者。在紐約時。目觀印機工人罷工之事。紐約各報。停刊不及兩星期。各大商店因無法登廣告。致受損失至一千萬之多。新聞傳佈之迅速。美國各日報。均是聯合通信社之會員。各地各報所得新聞。均用通信或通電之方法。寄遞通信社。再由通信社轉寄各地報館。發電接

電。皆係直接。其所以能如此辦理者。因電報局為商辦之故。所有路線皆得租借。故無論何處。一有事故。不到半小時。其消息已遍傳全國矣。三美國新聞事業之功效

美國報紙轉運之便利 美國交通之便利。盡人俱知。可不待言。全國報紙分派問題。因其銷數之大。竟成一極大問題。其組織之複雜。更非一時所能盡言。但以紐約一城而論。視其分配之過密。可知其支配分送報紙之便利矣。紐約一城。每日有二萬五千人分送各報紙至一萬二千多區。而每報館轉運之器。以汽車為大宗。故每家至少亦有十部。多者或有三

錢之低廉。得瞻名人之言論。世界之大勢。

(乙)報紙普及人民之觀念。由家庭的變為一國的。由一國的變為世界的。美國人對於歐洲政治之興趣。東亞商業之熱心。泰半皆是報紙刊印世界新聞之功效。

(丙)各種報紙。因新聞事業之發展。其程度因競爭而漸次提高。故皆放大眼光。正大態度。今日美國之報紙。偏向者絕少。

(丁)報紙在此發展時代。一方以經營之艱難。一方以人民去取之嚴厲。無不慎於發表。謹乎其責者。

(戊)報紙既得人民信用。無處不為人民謀利。福揭破地方黑幕。尋訪走失子女。時有所聞。

(己)新聞事業發達既極。創辦又非巨款不辦。其至小報館之資本。亦在五六萬美金之上。故非政客富商所能賄賂。即有巨款賄賂。若一為人民所覺察。羣棄不閱。則此報之生命決難延長。故絕少冒險不顧營業之報紙。

(庚)舉凡各種社會改良問題。皆賴報紙以解決。例如禁酒女權諸問題。

(辛)新聞報紙為平民教育之利器。

Commercial Advertiser

MONDAY EVENING, OCTOBER 1, 1917

Lost A large quantity of... A large quantity of... A large quantity of...	Found A large quantity of... A large quantity of... A large quantity of...	For Sale A large quantity of... A large quantity of... A large quantity of...	For Rent A large quantity of... A large quantity of... A large quantity of...	Business A large quantity of... A large quantity of... A large quantity of...	Real Estate A large quantity of... A large quantity of... A large quantity of...	Marriage A large quantity of... A large quantity of... A large quantity of...	Deaths A large quantity of... A large quantity of... A large quantity of...
---	--	---	---	---	--	---	---

(壬)新聞不徒紀事而已。且進而解剖之。新聞解剖。實美國新聞之特點。我人驟聞之。不解其義。請以簡單之例言之。

紀事新聞。不過寫出何事何時何地。解剖新聞。則不止此。當更進而求「如何」「為何」而並載之。使讀者讀後。有獨立解決之思想。試觀吾國報載新聞。對於一事之發生。若能將其事實詳載之。已算能事。對於

美洲商務通告日報

之一頁後

改名紐約

環球報至

今與紐約

太陽報合

併出版為

美國存在

最老之日

報

有二百餘處。其中惟有三十大學特設專部。統計全國新聞學生亦不及四萬人。已受學位者。亦不過三千人。

全國新聞界職業者。既有十萬餘人之多。新聞會社之數。亦隨之而多。自館主主筆至訪員。皆各有會社。統計全國關於新聞編輯方面。者有百三十七會。關於廣告方面。者有九十會。年有大會討論改良各項專

門職業之問題。

五結論

美國新聞固為世界最盛者。可無異議。然於結論之時。亦不能不略言其缺點。

(一)報紙銷數雖大。每日消耗之紙。為數亦極大。而閱報者之能統讀全報者。恐百不得一。蓋一報篇幅之多。實有不能得全閱者。如紐約泰晤時報。日出八大張或十大張。一日十行之輩。尚非一二小時不辦。平常人民不過略閱綱目。即行棄去。故其所刊報雖精細。讀不勝讀。拋棄者多。以我國節儉之目光視之。未免可惜。

(二)美國有所謂「黃報」者。此乃指刊登動人耳目之新聞報紙而言。所謂動人耳目之新聞者。不外乎各地暗殺、搶劫、離婚、苟合之事。美國人民天性愛奇。凡有驚人聞聽者。無不愛讀。新聞記者之劣種遂乘而迎合之。或謂報紙登載搶劫離婚苟合之新聞。無異教人學作同樣惡事者。實非謬言。

(三)聯合通信社之組織。以上略有所言。茲不贅述。惟對其缺點。請作數言。各地新聞俱由該社編製轉發各報。各報刊登之新聞。自是相同。如是則編輯報紙已入「剪裁」之轍。故全國報紙之成績。不易臻全善全美之境況。該機關往往在少數領袖之手。不免時有被政治經濟界之利用。試讀美人辛克來亞所著「銅牌」一書。即知其中百弊之叢生矣。美國報紙之深得人心者。已如上述。而其危狀亦顯而易見。蓋美國報紙百分之六十三皆為個人所辦理。團體辦理者祇佔百分之二十。公司辦理者則不過百分之十七而已。有名厚斯者。一人經理二十三家報館。其報所載之評論。乃一人所作。一篇既作。風行全國。其壟斷言論

之勢力恐十倍於吾國軍閥而不止。

美國新聞事業開始既晚。發展時期亦不甚久。我。而其發達反速。同視我國新聞。言論不能自由。而仰鼻息於租界之外人。交通既感不便。而所遭阻銷路雖日有所增。而廣告收入總難足本。電報雖便而收發多故。新聞記者之生活遂度日如年。無怪乎志士裹足。此業之難以蒸蒸日上也。記者廁身此業。置身於此業。行將終身於此業。遊學兩載。略有所見聞。供獻諸君。幸同志者共相勉行力進也可。

(完)

此篇演說專為上海青年會公衆演說所作。時間短促。聽者泰半非新聞中人。故所提各點祇能從簡。其實如此大題目。欲於一小時說完。在事實上萬難做到。強勉為之。自有許多失點之處。海內鴻碩幸教正之。

(記者附誌)



國內外一週大事記

由十月二十三日至二十九日

(公展)

(一) 國外之部

▲英國政局。英國政局之變動。其關鍵實繫於二十九日下院總選舉之結果。故工黨與保守自由二黨之領袖。現均努力從事於政策之演講。以爭最後五分鐘之勝負。觀目前政府黨與反對黨之論戰。已趨重於英俄草約之一點。可見勞動週報主筆康白爾氏一案。僅為解散國會之導火線。而非雙方真正爭端之所在。工黨領袖首相麥克唐納爾氏之演詞。謂對手方將盡力破壞工黨。因工黨對內對外顧

全國家利益。成績大著。為彼等所忌也。英國無極端主義之任何危險。如果有之。則必於無能耐的保守黨政府當權時而始見之。工黨具有廣大高尚之精神。國民宜予以之大多援助。又謂自由黨業已賣其自己。如工黨不獲勝於國會。則國家將入於危險的反動派之手。而歐洲大部將悉受影響。英國不獨有保護政策復活之危險。且和平與預算等亦將受危。故保守黨勝利。國家必蒙絕大不利云云。此可見麥氏鑒於自由保守二黨攜手。反對俄約。深恐保守黨之重獲勝利也。保守黨白根海爵士在倫敦演說。謂渠信國民心理健全。真摯。定能排斥由馬克思所著邪僻書籍而來之狂妄的經濟理想。各處皆有不許借資與俄國之決心。冠仁侯爵在倫敦演說。亦謂俄債擾亂商界。視工黨政府任何舉動為甚。各殖民地皆極滿意於英國從前之外交政策。且甚願英國仍續行此政策。帝國會議之決議案。如帝國優待稅及

嗚呼外國人眼中之中國軍隊



金銀乃和平之鳥
(圖見上海字林西報)

殖民地所認為與其安全至有關係之新加坡計畫。皆被工黨政府擱置。尤甚者為簽定俄約。此為各殖民地首相所絕不予以少許同情者云云。包爾溫在裴資演說。更痛詆俄約。謂三十年來。凡從倫敦借債之各國。除日本與智利外無一不失信。其深惡痛絕於俄約中之英國担保借款。可想見矣。至自由黨喬治氏在羅志台演說。謂選舉時工黨必敗。此後英皇將召下屆最大政黨之領袖組閣。而最大政黨當

可屬於自由黨。保守黨總部傑克森氏稱。渠游行各處。覺保守黨前途最有希望。工黨領袖麥首相則又謂選舉勝利可以預決。夫使三黨果能皆獲勝利。孰又為失敗者。人情每不能知己知彼。而有所蒙蔽。良可笑也。

▲英俄交涉。當英國各黨競爭選舉之際。突然發現國際共產黨之一函。致成政界爭論之焦點。其經過情形。不可以不述。據稱國際共產黨幹事

會長俄人齊諾維夫氏近忽致書英國共產黨中央委員會。書中有唆使以暴力推翻英國現有制度及撲除英國兵力之詞句。略謂英國中級社會多數反對英俄條約。英國勞工既已於英俄談判勢將決裂之時。強令麥克唐納爾簽定俄約。今應更努力奮鬥。施其壓力。促令政府與國會批准此約。英俄關係一經解決。即可助成國際與英國勞工之革命。可使吾人更推廣宣傳而發展列甯主義於英國殖民地云云。二十四日。英外部

會長俄人齊諾維夫氏近忽致書英國共產黨中央委員會。書中有唆使以暴力推翻英國現有制度及撲除英國兵力之詞句。略謂英國中級社會多數反對英俄條約。英國勞工既已於英俄談判勢將決裂之時。強令麥克唐納爾簽定俄約。今應更努力奮鬥。施其壓力。促令政府與國會批准此約。英俄關係一經解決。即可助成國際與英國勞工之革命。可使吾人更推廣宣傳而發展列甯主義於英國殖民地云云。二十四日。英外部

致牒駐英之俄代使。提出抗議。謂英政府不能容忍此種宣傳。且視此為直接干涉英國內政之舉動。凡知國際共產黨之組織者。皆知該黨與俄政府之關係。此種舉動。不僅違反國際友交之規則。且亦破壞俄政府屢次莊重表示之擔任。如俄政府有權。則其職務應取締其宣傳。而勿使他入受欺。如俄政府無此權。則俄政府不應與人締結自知不能履行之條約云云。其詞氣之嚴重。足以顯示英國工黨政府絕不能容俄國共產黨之宣傳。第保守自由二黨則已利用此事。指外部不即答覆。大施攻擊。工黨政府之對付迅速。足徵外交部發出抗議時。未及由首相簽字。保守黨各部稱其迅速原因。乃由報館多家先得齊諾維夫氏之函一份。擬於是日發表所致。自由黨各報乘此機會。表示自由黨反對俄約之正當。然於此又發生齊氏原函之真偽問題焉。英國共產黨秘書殷克平氏既聲稱。共產黨並未接到齊函。此書全屬偽造。駐英俄代使賴柯夫斯基亦發與此同樣之聲明。二十七日並函英相抗議。謂俄政府對於萬國共產黨之行爲。不負責任。所謂齊函者。實爲偽造。其目的在毀壞英俄條約及英俄間漸有進步之友好關係。公文中竟利用偽造文件。俄政府於此不得不要求充分之道歉。及公私負責人員之懲戒。俄政府深知此種偽函將有嚴重影響及於兩國。故主張立一無偏袒的公斷會。以證明此函偽造之事實云云。齊諾維夫本人。亦致文於工團大會。謂外間所傳渠署名之一函。乃偽造文件。此乃選舉作用。尙望工團大會派人來俄。調查此函之真偽。工黨總部發表一文。謂外部與俄代使關於齊函真偽之參差言論。非至麥克唐



直系健將張福來

納爾獲選復長外部時。莫能解決。保守黨領袖與其報紙之有此齊函副本者。應請對衆明白宣佈此函之內來。在外部發表此函以前。倫敦某報館及保守黨總部已先有此函副本。尤爲可異之點。麥克唐納爾氏二十七日在加猶夫演說。對此事有詳盡之說明。彼謂俄齊之函。於十月十日到外部。外部於十五日送至孟却斯德。次日余始見之。當即批示數語。囑一面慎重調查此函真偽。真則即須公布。一面草擬致俄代使之文。庶查知齊函非偽時。即可向俄政府抗議。外部十七日接到余之批語。二十一日將致俄牒稿送至阿白拉芬。交余核閱。是日余適他往。故至二十三日始見牒稿。次日余略改牒稿。旋將修正牒稿送還外部。以爲此牒將與調查齊函非偽之證據。一併送交余處核定。但此牒已於是夜公佈。余不以此責人。蓋外部知余尊重條約。視爲神聖之決心。故以爲立即公佈此事。乃余所願。彼等固深信此函非偽也。設外部爲保守黨或自由黨所主持。則此函必將歷許多星期始能發表。今政府辦事之迅速。應付時事之有秩序。及其拒絕邪說之決心。乃簇新方法辦理外交之明證。齊函果偽。則四週陰謀之外。可以概見。余之經驗使余不能無疑。若齊函爲真。則余負工黨政府之責時。工黨政府必能堅決處置外人擬干涉我國內政之謀。報紙所載齊函由郵局送達外部之奇聞。悉屬虛構。蓋冀於選舉將作之日。佈疑雲於全國。以不利於政府。余返倫敦之第一件。將爲調查此函之由來。及黑幕後之人物。倫敦某報自謂強令政府宣布此事者。何從得此函副本。而保守黨總部日作推翻政府之說者。亦何自得之。此乃余所欲知者云。

云保守黨總部因麥克唐納爾在加猶夫演說。有涉及保守黨之言。乃立即發表一文。謂外部發表齊函。保守黨始知有此函。觀此。可知此齊氏之一函。不獨釀成英俄間之重大交涉。且因其真偽問題而更牽及於英國內部之政爭矣。

▲德國政局 德國會既解散。議員所享之特免權遂銷滅。共產黨議員六十二人乃大都倉促離去柏林。據留心政治者之預測。國民黨與民黨雖成聯絡以拒社會黨。但左翼諸黨必可奪取右翼黨之席。此次選舉所爭者。為馬克斯政府政策之繼續。抑復古政府之成立。國民黨報紙稱。主要爭點乃帝制或共和之問題。聞亨堡邦議會之選舉結果。為民主黨喪失兩席。社會黨喪失十六席。民黨喪失八席。國民黨則多得十席。共產黨

(二) 國內之部

▲西南北伐 西南北伐。粵孫本定親率大軍。分入湘贛。但以東江不靖。商團又有事變。致北伐之師。在韶停頓。而其中一部。且不得不回省鎮懾。其為北伐事業之打擊。不言可喻。但樊鍾秀部豫軍自入贛南以還。聲勢雖盛。本月二日。北伐軍由岳都山繞道入崇義後。節節進攻。已將崇義上猶遂川。蓮花甯岡。永新。安福。泰和。萬安等九縣。先後分兵佔領。計其所部軍隊。為豫軍樊鍾秀。滇軍朱培德。贛軍李明揚等三部。號稱三萬餘人。而以樊部最為精悍。坐鎮贛南之方本仁。前因催索援粵軍費問題。與蔡成勳齟齬。曾一度電辭。北京政府改任馮紹閔。然三旅軍官則頗不願方去。故馮紹閔雖至吉安。尚未入贛州云。滇唐方面。業已

決定分遣大軍。假道川湘。會師武漢。熊克武於本月十四日電湘當局。聲明假道北伐之主旨。其出兵計畫。擬分數路。大隊由芷江出麻陽。蔡鉅猷部折入洪江。以湯子謨賀龍兩部為接應。各軍在辰州集合。直趨常德桃源。經過澧陽。以入鄂西。其動員令及誓師詞。皆未明言與湘為敵。惟洪江為湘西重鎮。湘軍斷難坐視。聞當局已下令湘西各軍將領。以代行湘西督辦職權湘第六旅長鄒鵬振會同芷江鎮守使劉叙彝。省路會辦楊源濬。任第一道防線。布國防洪江黔陽芷江靖縣一帶。湘西鎮守使田頌詔。湘西巡防軍統領陳渠珍。任第二道防線。布防辰州及



永保十縣。常澧鎮守使唐榮陽任第三道防線。布防常澧各屬及辰河下

亦多得七席。而魯登道夫派亦多得四席。中央黨無得失。此種結果。乃足證民主社會黨政府之失敗也。

▲美國選舉 美國定十一月四日舉行國會選舉。各報現已滿載各候選人之演說。柯立芝總統演詞。謂今政府已使國家入於較平均為佳之興盛時代。愛國者皆切欲維持自下之制度。但有人倡議二種最大之革命改革。(一)政府主有運輸事業。(二)限制美國高等裁判所之職權。第一舉極有礙商業之幸福與國民之獨立。第二舉破壞美國之治制。如經採納。則美國人民將失其自治。柯又述及外交。允與其他各國合作以求和平。凡不危及美國獨立之事。美國均樂予贊助云。

游。熊但等知湘西駐軍之有戒備。遂變策略。改由川南之西陽秀山。直取鄂屬之咸豐利川。再圖施南各屬。而以宜昌爲目的地。議定後。即派湯賀及余際唐等部。集合銅仁。向北進發。已抵松桃之抵武營。距秀山不遠。於是川屬西秀。鄂屬施鶴。形勢遂漸緊張。西秀方面。僅駐袁祖銘所部之黔軍一部。施鶴方面。僅駐于學忠所部之一旅。軍力單薄。不敷布防。川鄂當局決調現駐鄂屬宜都黔軍王慶芳部八百餘人。開至來鳳邊境。以西秀黔軍聯合防堵。施鶴防務。則調援川鄂軍宋大霈所部第二混成旅一部。取道巴東野山關入施南。與于學忠旅聯合布防。以爲抵制熊但之計。然

時妝小志(六)

(F) 旗袍



天涯飛絮

(一) 同寓人們的猜測

在那一個公寓門首。坐着一個女子。年紀約有二十歲以上。伊的形狀實在有些奇怪。衣服不甚講究。却也是綢緞製的。然而很髒污穢。弄得不成

近則北京已有政變。吳佩孚依然主戰。鄂蕭勢必陸續抽調援兵北上。則川鄂防務。多少必現空虛。熊但苟能鼓勵勁旅。北指討賊。鄂局必有動搖之虞也。

▲廣州事變。廣州商團自被聯軍繳械。市場大受損失。省當局雖籌畫善後。而元氣恢復甚難。加以各軍爭奪防地。嫌隙未能盡泯。東江陳軍又復蠢蠢思動。中山北伐事業。一時難以實現。外傳孫將先收回海關。再繳各屬商團餘械。但前者固難辦到。後者亦適足引起衝突。如清遠民團與滇軍朱世貴部之對抗。即其一端。中山爲收拾人心計。實宜翻然改圖也。

新儂

中國婦女向着短衣、長裙。所以示不與男子相齊也。婦女之着長袍。自滿洲入關始。旗下婦女多衣長袍。清末漢人之時髦婦女。偶有效旗妝者。然不多也。且必並其兩把頭、花盆底之髻。而一致效之。

民國而後。漢人之婦女。忽競尙旗袍。取其腿部能煖也。始於曲巷倡家。漸至大家閨秀。冬令皆著旗袍。以禦寒氣。旗袍之製。與男子之袍不同。下擺不開叉。袖口仍如女衣。上狹下闊。出手亦較短。且近時衣旗袍者。於頭上之髻。足部之履。一無更易。或燙髮。或如蠻靴。裹以旗袍。亦不爲怪。秋末冬初。即已有着之者。旗袍之質料。無定。綢緞絨呢。皆可。四周多加花邊。其裏面。或駝絨。或絨棉。或各種皮毛。要視其所着之時令爲斷。各因其宜。無一定也。

馬二先生

模樣。頭髮似烏雲一般。不會爬梳。祇是亂披着。正合了首如飛蓬的一句話了。眉目端正。却因爲不曾盥洗。也十分醜陋。兩隻眼睛睜得很大。現出盼望什麼似的情形。祇是向路上過往的人們注意。伊手中還抱着一個未

及週歲的嬰孩。

那公寓規模本不大。住的旅客盡是中下級常差的官吏。和遠道求學的大學生。大家皆瞧着這同寓的女客。十分奇怪。有的好事。便向公寓中的管事先生打聽伊的來歷。究竟是個甚甚的人。管事先生正在沒有什麼事。幸得藉此消遣。便說書一般滔滔的講演起來。登時賬房中的聽衆。愈聚愈多。都擁擠不開。

管事先生說：「這位堂客姓陳。說是浙江人。來京尋親戚的。伊的親戚是誰。姓其名何。伊却不肯說。——這個我們本可不必問。伊這小孩。大約至多七個月。伊並不甚愛惜。除了給乳哺養之外。似乎別的都不甚經心。婦人家對於自己小孩。不十分愛惜。這是我頭一次看見。」說至此。搖了一搖頭。似乎很不贊成的意思。

甲客問：「她尋的親戚來了沒有。她的丈夫呢。在什麼地方。」管事先生搖頭說：「這却不知道。伊自從住在此間。並無一個人來過。伊有無丈夫。誰又知道。也不能問。看光景。伊許是一個女學生。因為伊能認得字。」

乙客說：「你們辦事太不行。似這樣來歷不明的人。你們應當盤詰。不然。警察盤查時。你們何以回答呢。」管事先生微笑說：「警察盤查。祇是注重男客。因為恐有盜賊。或危險的事情發生。這般柔弱的女子。還盤查做甚。」乙客說：「不然。女子也許有危險的行爲。不可大意啊。」管事先生微笑。祇管搖頭。又說：「這女子住在此間。約有廿天了。伊每日祇是坐在門首。並不出。說伊痴。伊並不痴。伊行動飲食。若如常人。伊囊中似乎還有幾個錢。所以房金伙食。以及零用。並不缺乏。伊究竟是做什麼的。實在猜不透。」

丙客說：「你們真太愚笨。你們男子不便去盤問。何以不使女子去。和伊

筆談。便可探出伊的底細來了。」管事先生微笑說：「這是自然的事。無如伊在房中不接待人。我曾託三十四號張太太。前去看伊。打算盤問盤問伊。不等張太太進房門。即先把門關上了。難道這好敲開門進去。強迫問伊嗎。」大家猜測着。議論一番。紛紛莫衷一是。祇索各自散了。但是那陳姓的女子。依然每日抱了嬰孩。坐在公寓門首。

(二)等差丁

一日。公寓門前。來了一輛汽車。車傍站了兩名佩手槍的護兵。先下車把車門開了。走出一位官員。年紀約有三四十歲。肥大的身材。又方又圓的臉。還畫着八字鬚。黑馬褂。藍色長袍。氣度昂大。正待舉步進內。陡然那門首坐着的。女子立起來。喊道：「國輔。你來了嗎。」那官員舉目看時。認得是伊。吃了一驚。因說道：「哦。是你啊。怎的來到此間。是幾時來的。」女子冷笑說：「我嗎。來了一個多月了。我祇當看不見你了。你也有遇見我時。你隨我來。」說着。扯了那官員向內便走。那官員小聲說：「走便走。不要動手啊。太不雅觀。」女子冷笑說：「你也怕不雅觀麼。」說着。放了手。讓那官員在前。伊却在後監視着。向公寓裏面走去。

這時候。早驚動來那公寓中的各人。旅客和管事先生等。有許多人出了探望這件奇事。

那官員走了數步。便向女子說：「我今天是來回看我的朋友。讓我先去看了朋友。再到你房裏去談談。好麼。」那女子冷笑說：「你還有朋友嗎。我聽你的當嗎。且到我房裏去。有什麼朋友。祇管請他來。」那官員祇得無語。垂着頭。隨伊到了伊的房裏。茶房們忙着替伊泡茶水。伊房外的已立了不少的旁聽的人。祇聽見伊說：「國輔。你怎樣說。你究竟是人不是人。你究竟和我有甚冤仇。害我到了這步田地。你打算把我怎樣。」

你痛快說。你說怎樣。我便怎樣。便死也明白。我絕不和你爲難。」國輔小聲說。「我並不是有意害你。我這其中有緣故。你來了很好。待我慢慢的告訴你。你此時且平平氣。不要這樣。」

女子冷笑了一聲說。「你這些話很好聽。你還對我用什麼手段嗎？我全日好容易遇着你。我與你這筆帳總得清算一回。當初你說你斷絃已幾年了。並無子女。求我續絃。然而結婚的次日。你那夜利老婆已打門來。你的謊言全戳穿。你對得起我嗎？繼而你向我敷衍。懇求顧全顏面。答應我供給學費。使我讀書。我勉強隱忍。答應了你。却又說要進京謀事。我再三說要隨你同來。你又不肯。說是有了事再寫信來接我。然而一去八個月。並無隻字。你這是安着什麼心呢？是不是想拋棄我不理呢？對得起我嗎……」國輔忙止伊說。「以前的舊話且不必提。我現在……」女子攔說。「舊話本可不提。我却不能不提。因爲這兩年以來。我已把肚皮氣得快要裂開了。而並且教大衆聽聽。一個男子是不是應該欺負女子。到了這種地步。我屢次按照你留給我的地名。寫信給你。一連十幾封信。你隻字未復。後來我急了。進京一打聽。纔知道你並無那個親戚。也並不住在那地方。所以無怪乎你沒有回信了。然而可見你當初一動身時。便已安心教我無處探聽你的踪跡。是不見呢？這對得起我嗎？我要不是爲了腹中一塊肉。我早已來了。祇恐路中不便。所以遲之又遲。我本想自殺。因爲帶累無辜的嬰兒。我怕對不起天地鬼神。如今我可交付給你。他却是你的骨肉。你應該負責任去撫養他。至於我呢。你既居心不理。我也不必覓顏求容。你須吐出一個實在的話來給我。我即照辦。決不猶疑。」此後聽得那男子低聲不知說些什麼。女子大聲說。「你不能走。你走了。我再向那裏找你去。和誰說話呢？」以後又聽得二人爭辯了許久。結果

是那男子打發護兵去請五十二號的趙姓朋友來担保。方纔走出那間房。此時外間的聽衆已大概了解這件事了。紛紛的又議論起來。有的罵那男子不是東西。有的歎息着。說女人不是好惹的。却也沒有人過問這事件的究竟。怎樣結果。

(三)西城老七

兩個禮拜之後。那女子的嬰兒已不見了。伊也不再坐在公寓門首了。身上的服裝已更換得很華美。耀人眼簾。面貌也較前美麗了。十分乾淨。一時同寓的旅客們。人人注意。瞧着伊。料着伊那件事。必然是已經調和了。管事先生也這樣說。又道。「這一來。這位漂亮而無主的女人。不知將來落在誰的手裏。也許伊手中還有幾個錢。誰娶了伊。便是有福的人啊。」伊瞧出衆人的注意。也並不在乎。伊心中祇是冷笑。又過了幾日。伊已搬遷到有名的長安飯店去住了。伊的交友也廣了。有許多男友女友。都是很時髦的人物。伊每日的行踪。總是中央公園、六國飯店、東安市場。等等熱鬧所在。伊出必駕汽車。食必入飯館。有時和朋友們賭博。也很揮霍。輸贏常在千金以上。此時伊的姓反無人注意。而皆知爲「西城老七」。「西城老七」就是社會上交際明星的代名詞。一般的冶遊少年。政界閥老。銀行界的豪客。軍界的偉人。在野的名流。新文化的學子。幾無人不知道「西城老七」提起了「西城老七」。一個個眉飛色舞。現出一種欣羨愛慕的模樣。

然而西城老七一任衆生顛倒。却並不介意。祇管和他們來往遊樂。自己忘其所已。也不知道此身何自而來。鎮日間營營擾擾。所爲何事。日月不居。光陰如箭。年復一年。作何究竟。有時在跳舞會中紛亂了一陣。許多人圍隨着。伊忽然不耐煩了。便屏絕一切。獨自坐在僻隅軟椅中。瞧見燈光

關東。關東小兒深畏之。且每爲麻虎子所食。清室未入關時。滿洲有麻虎子之患。清室除之。因列入樂舞之典。以爲紀念。或曰。隋大將麻叔謀喜食小兒。死而憑虎以爲患。二說未知孰是。但其本意。則一歸老虎食小兒。小兒畏老虎之意。清室既編入舞樂。此典遂流傳至今。與喜起舞簫簫舞一併演之。其演法。由八旂旂丁中。抽選幼年旂丁四人。或八人。扮作麻虎子。著黑色虎皮衣。虎皮靴。另選強壯旂丁四人。或八人。扮作獵人。身著凱甲。背插四小旂。旂色一如八旂繪製之。頭戴盔冠。身騎一紙馬。略如今日戲劇中騎馬人然。東四旂四麻虎子。四獵人。爲一班。西四旂四麻虎子。四獵人。爲一班。東四旂班列在東。西四旂班列在西。演之時。先由東班中跑出一獵人。又復由西班中跑出一麻虎子。其虎張牙舞爪。作相撲欲食人狀。獵人則張弓扣弦而射之。麻虎子則張揚其爪。而接箭。接時。復即翻一筋斗而退。獵人亦退回班頃之。復由東班跑出一麻虎子。由西班跑出一獵人。射接如前而退。相遞依次演畢。舞遂告終。此舞亦隨喜起舞簫簫舞相繼演之。據宮監云。演此舞時。皇帝坐展下。有時爲之忍俊不禁。狀至可嗤云。

慈禧踢毬衣

京中俗例。以彩毛一束。墜以銅錢。而縛繫之。謂之踢毬。略如今日學校運動場之足球。其法以雙足內向橫踢之。錢落下平。足起橫平。次第踢之。毬可不落。其方式甚多。蓋爲冬際運動之一種物品也。佛爺幼時。在宮外常習此技。當權後。與諸宮女。亦時復相與遊戲爲之。或曰。此滿洲民族舊日遊戲之一種。雖無可精攷。但京中至今猶不少玩之者。惟此種遊戲。長衣不便舞動。一律須着短衣。緊縛紮束。方利行動。而佛爺則爲是曾特製繡緞之踢箭衣一件。周身花紅彩綉各種花紋。復各鑲以薄鏡。綠邊繡總五花十色。略與戲劇中武旦衣式相彷彿。頭帶花冠。腰繫綉帶。足着錦靴。踢

舞之時。旁豎大鏡。影形閃爍。眼花爲之掙扎。塔上爲此遊戲。天氣寒冷。則移在殿中。足踢之外。間以掌拍之。有金鷄獨立。海底撈月。鳳凰單展翅。日月雙輪。獅子滾綉球。金龍出海。等種種之名色焉。

楊柳青女畫師入宮

天津之西。有地曰楊柳青。今當津浦路之一小站也。其地傍水。綠柳成林。春夏之交。田園廬舍。埋沒於一碧中。鬱鬱蒼蒼。如入圖畫。居民習宮畫。與直隸豐潤縣並稱。如景德人民之業。登廣信人民之業。畫者又多爲閨女。其地之閨女。慧外秀中。與山西渾源州並稱于北方。故有楊柳青產美人之謠。同治某年。有人以楊柳青所繪扇面。進于佛爺。佛爺愛不釋手。因令繪製多種。皆絕工緻。非人間手筆可製。佛爺因向宮女問曰。楊柳青人所繪諸宮畫甚佳。所繪之扇面尤爲絕品。但不知繪者姓名。爲可事。宮女答曰。祖宗欲知繪者姓名甚易。奴才等當爲祖宗一探之。又一日。諸宮女奏曰。現已爲祖宗詢問明白。楊柳青人民。皆習繪事。唯其地之民家閨女所繪者尤精妙絕倫。日前祖宗所愛之畫。係楊柳青民女白俊英所繪。白爲楊善青諸繪女之冠。佛爺喜曰。傳諭該縣令。將白俊英送至京中入宮。爲我專司繪畫。白俊英既至。一絕妙少女也。明哲妍秀。類如仙人。而纖纖雙手及指甲均長細逾常人。髮尤長。蓮步楚楚。弱不禁風。佛爺大悅。因留之宮中。職司繪事。其在宮中所繪有隨堤縱馬。漢宮春曉。紅樓夢。頤和園。萬壽山等圖。尤喜畫扇面。因是所繪扇面尤多。京中名流。曾爲之編作畫扇而曲詞。即詠白俊英故事也。佛爺赴萬壽山。頤和園駐蹕。亦令白隨往。白因步履艱難。不能追隨。游覽山景。後遂辭歸。不知所終。佛爺于愛白之畫外。且甚愛其指髮。聞白舉動異常。日必沐浴。且其家僅白一人。楊柳青人民。皆謂白實蝦米精化身。而以畫邀封者。荒誕之說。或亦非無因者耶。

(未完)

